



ル 5
3285
4



門九5
3285
4

重刊宜興縣舊志卷之四

學校志 學宮

宜興

先師廟舊稱大成殿明嘉靖九年改稱廟廟制大殿三楹中供

至聖先師孔子木主次為復聖顏子宗聖曾子述聖子思子亞聖孟子分東西向稍後東為閔子冉子雍端木子仲子卜子有子皆西向西為冉子耕宰子冉子求言子顓孫子朱子皆東向廟旁東西夾室各一楹東廡八楹供先賢遽子瑗等三十九人先儒公羊氏高等二十三人西廡八

重刊宜興縣舊志 卷四 學宮

昭和十八年
八月十八日
購求



楹供先賢林子放等三十八人先儒穀梁氏赤等二十三
人前為廟門三楹舊所稱大成門門左右列二十四戟者
也門左右各夾室二楹又東三楹為將事官會集所又前
為櫺星門三又前為泮池池有橋有闌有垣又前為照牆
東西下馬牌各一池東為德配天地坊西為道冠古今坊
廟之後明倫堂為楹五東西齋各六楹齋之南為門二東
曰聚奎西曰聯璧堂後為尊經閣三楹閣東為祭器庫三
楹由廟門而東為崇聖祠三楹中供

肇聖王

裕聖王

詒聖王

昌聖王

啟聖王五木主堂左右祀顏氏無繇孔氏鯉曾氏點孟孫
氏激兩廡東祀周氏輔成程氏珦蔡氏元定西祀張氏迪
朱氏松廟之西為鄉賢祠祠西為名宦祠祠東為忠義祠
祠前為廳廳西為孝悌祠皆三楹又崇聖祠之後北有襄
辦丁祭公所為楹二又北有土地祠三楹祠東一楹為王
公祠祀明教諭王夢周明倫堂之西為教諭公署今分屬宜興
東為訓導公署今分屬荆溪今詳考歷朝移徙修建之巔末著
於篇

宋景德四年始建學於縣治東南直史館陳越有修文宣

王廟記佚 在通運橋西北其故址俗名學基頭

皇祐元年知縣事鄭民彝徙學於南興門外并州刺史張

伯玉有徙建新學記佚

紹興十六年重修括蒼陳益有記佚

乾道八年重修知縣事孫固有記佚

按咸清毘陵志碑碣門云重修學記乾道八年令孫固撰而秩官內逸其名

紹熙五年知縣事高商老重修

朱子記曰紹熙五年十二月宜興縣新修學成明年知縣事承議郎括蒼高君商老以書來請記而其學之師

生迪功郎孫廷詢貢士邵機等數十人疏其事以來告曰吾邑之學久廢不治自今明府之來即有意焉而縣貧不能遽給其費乃稍葺其所甚敝亟補其所甚闕且籍閒田五千畝以豐其廩斥長橋餽金歲入七十餘萬以附益之為置師弟子員課試如法而又日往遊焉躬為講論開之以道德性命之旨博之以詩書禮樂之文使其知士之所以學蓋有卓然科舉文字之外者於是縣人學子知所鄉慕至于里居士大夫之賢者亦攜子弟來聽席下無不更相告語更相勉勵而自恨其聞之之晚也退而相與出捐金齋以佐其役合公私之力得

錢幾七百萬而學之內外煥然一新堂除門廡靡不嚴備象設禮器皆應圖法蓋高君之於是學非獨其經理興築之緒爲可書而其所以教者亦非今世之爲吏者所能及而邑之人材風俗實有賴焉幸夫子之悉書之以告來者於無窮則諸生之望也予頃得高君於會稽而知其賢今乃聞其政教之施于人者又有成效如此固已樂爲之書矣而況其邑之父兄子弟能率高君之教而有所興起皆知從事於古人爲己之學而不汲汲乎誇多鬪靡之習以追時好而取世資則又予之所深歎而尤樂取以告人者也乃爲悉記其語使後之君子

有考焉抑高君之於此邑嘗新其社稷之位而并作風雨雷師於其側以嚴祀事穿故瀆疏積水以防旱澇作社倉儲羨粟以備凶荒其所以事神治民者類能行其所學而皆出於至誠懇惻之意是以言出而人信從之蓋不待於誦說之間然後以言教也嗚呼賢哉慶元元年春三月庚申朝請郎提舉南京鴻慶宮新安朱熹記嘉定九年知縣事羅仲舒作學宮東序堂嘉定十年知縣事戴桷重修

葉適記略曰戴君桷宰宜興旣補弟子員食于學視學舍壯整者惟高君商老敬止堂羅令仲舒東序堂然亦

重刊宜興縣志 卷四
傾敝餘或闕或毀故其土陳夢印章悉夫買旁縣材棟
優工作壘二年復修廟堂設大門門左右掖前崇門櫺
對立西序宗子小學凡職列之次故所無皆具然後俾
沈夢龍來言曰噫可記矣荆溪禹貢中江也渚泐澄澈
雲木縈帶君山最雄秀嶺洞尤怪偉方周孝侯童駭肆
暴一旦感激殺虎斬蛟從陸士衡兄弟學前死不卻顧
大節尚生存或疑非地力之勁挺不能也熙甯更用經
義于時開封禮部有二邵集英親策有佗選皆第一或
疑非地稟文華不能也夫發于勁挺孰若納于中和善
其文詞孰若厚其根本今夫邑之翹材穎質將進于道

必約以性無恣其情無撓其靈則偏氣不勝而中和全
矣浚深于學必測之古證之今上該千古旁括百家異
流殊方如出一貫則枝葉爲輕而本根重矣由是登高
邱可以奄魯俯長流可以觀逝則山川雖富同遊于覆
載之內義理至樂獨行于物欲之外矣豈非令長修學
之本意哉罨畫之溪猶浴沂也善卷之竇亦舞雩也非
騷人墨士專而有也嘉定十三年十月乙丑記

元初燬於兵

至元中重建其年分與修者姓名舊志失載

至正十六年復毀

明洪武初知縣謝德清始移置今地建殿堂門廡及稽古崇文二齋

宣德十年圯知縣章維澄訓導羅鵠重建工未竟正統初知縣蔣義成之

泰和王直記略曰宜興之建廟學久矣六七十年來未有能修飭之者由是日入於敝宣德中縣令章維澄以大成殿之將壓也乃謀新之材始構而以事去正統初上饒蔣侯義自桃源簿以賢舉來爲令始至謁先聖而周覽學舍慨然發歎思竭力圖之顧重於勞民卽盡發

已貲以爲倡且召邑人許信等告語之復俾耆民徐宏誼輩董其役於是富者出財貧者出力乃市材命工完殿之未備者塗墍而蓋覆之兩廡兩齋戟門櫺星門會饌之堂諸生燕息之舍悉次第改作施以粉堊丹漆塑聖賢像皆如制經始于宣德乙卯九月十六日以正統戊午七月望日訖工侯旣告成于廟而進諸生使學焉教諭邱純諗於眾曰吾侯用意于學校至矣然其爲功也實難宜刻石以告後人使維持之且使學於是者亦勉勉以副侯意眾皆曰然遂因予友清河太守李侯信圭求予記夫學校之教所以明道也其入道之方則必

以讀書爲務窮其旨趣發其蔽祛其惑知之至行之力
斯能有以成其才三代以來皆然也我朝列聖尤以教
學爲重於五經四書皆有纂述以發其蘊奧慎擇俊秀
俾業于是而訓以良師且專置風憲官往督勵焉蓋欲
明道以興治今蔣侯之爲是也凡來學者進而謁于廟
仰先聖之德容而知夫道之有統退而習于學誦經傳
之微言而明夫道之有常居則行于父子夫婦長幼朋
友之間出而用之君臣上下應事接物之際而無不盡
其宜然後爲道之成則無負朝廷教學與蔣侯新學之
意矣予故爲之記以勉夫學者且示後之人俾善繼之

永勿壞

正統七年知縣鄒旦市甘指揮學旁地拓學基爲重門建
文林坊重刻朱子宜興學記

泰和蕭鑑記略曰宜興常之屬邑畿內地也學之建未
詳其所始厯歲滋久廟廡湮漫而故址湫隘不足以居
生徒前途狹陋不足以容車馬正統七年秋大尹樂安
鄒君旦來泣是邦釋菜之日顧瞻咨嗟慨然有擴而新
之之意而未得其便是冬節鎮指揮甘雨調桂林以學
旁空地四畝售之富室君聞之曰此于學爲切近不可
棄卽以己貲百金贖之於是址得拓而路得以廣乃卜

良日選材徵工首采飾孔子廟明倫堂次修兩廡既又
斷石爲柱起櫺星門又作東西齋而庖牲之厨祭器之
庫會饌之所游息之舍以序完繕之爲屋凡若干間丹
漆黝堊煥乎一新生徒講肄于是者悠然樂今之寬閒
而忘其昔之敝陋也至是君考績來京師求文爲記予
以爲今之學雖不皆古若然聖賢之典籍具在讀而講
之足以知天地事物之理古今治忽之情起居作止飲
食之節修身爲國家天下之要於以長夫禮義廉恥之
風而成其敦厚樸茂之德非徒竊科名徼利祿而已是
以朝廷惓惓焉以爲重而郡縣良守令知治體者必以

之爲先夫爲政而不知以學校爲先猶欲陟遠而徒行
升高而去之階也今鄒君於宜興下車未幾汲汲焉閔
夫學校之敝而其所成就旣完且美如此使邑之士游
息其中相與成德達材出而爲國家之用者繼繼不乏
則君之功效豈小補哉君爲人敏而通惠而有制在官
七年民安便之其所施設累累有可道者
危山跋朱子宜興學記略曰朱子記表高君之政教美
士俗之信從可謂詳且切矣當時學舍建於舊茶場之
基而記亦刻石於中元至正學毀於兵碑記隨泯後遷
學於今地數世以來而未有能舉往事者景泰初縣令

樂安鄒君貳令番陽李君皆以文學莅政作興學校因
詢故事取斯記重刻之樹於明倫堂俾縣人學子知考
嗚呼朱子表高君之賢所以望後世之為賢人者也美
當時士俗所以望後世之為士俗者也今諸君重刻斯
記蓋欲復高君之政教思無負於朱子之望宜興人士
于此甯可不思自勵以求無負於朱子耶

成化十年知縣孟瀛增建東西號樓

十六年知縣沈振修建兩廡戟門齋舍

宏治元年清戎御史王溫購西南民地鑿泮池

十三年縣丞張朝用教諭楊清重修明倫堂

正德三年知縣孫燧重修戟門饌堂

八年知縣劉一中與邑人吳儼重修明倫堂

十三年知縣劉秉仁建學職衙門三所

十六年知縣韓儒重修殿廡齋舍

按儒修學事王升徐喈鳳志皆不載見於吳仕記

嘉靖二年知縣何棟建尊經閣三楹額曰奎文重修東西
號樓

六年知縣丁謹市地別為泮池甃石橋石闌

邑人吳仕記略曰嘉靖丁亥我丁侯謹以進士來莅吾
邑體國保民日惟不逮暇則詣學宮召諸生於前敷宣

聖天子崇儒右文之意耳提面命以諭之于道者無曠時日惟時泮池荒隘弗理雜潢潦其中侯視之以爲大弗稱古制乃更而北數步許甃整如式跨石梁其上繚以石闌池淵然澄澈異於常流池前有隙地購得之伐榛莽撤敗垣而銅官諸山縈青繚碧若揖而前舊有綽楔當門中曰科第乃與櫺星門俱移而南左曰儲賢亦移而南丈許右曰狀元爲宋侂中立已圯補立之與儲賢對峙而衢路亨達行者爲之改觀諸生請其師掌教祁君鳳毛訓導任君鰲朱君鵬屬記於予予惟丁侯之鑿池也易汙而潔其除道也以隘爲廣反觀于心有能

滌之除之亦若池之淵然潔清道路之豁然亨達者要在夫人之自爲耳是固我丁侯今日意也諸君子亦嘗因是而有感否乎苟徒驚志紛華而惟末流之是徇滯心偏曲不思大道之日漓豈惟不當我賢侯興作之意甯不重爲陂池道路之羞也哉

八年詔建敬一亭刻欽製敬一箴併欽諭及先儒視聽言動箴心箴于石

十年祀聖賢用木主撤塑像

二十年署縣事通判焦希程重修學宮知縣方逢時續修功克成

唐順之記曰先王因人情而施之教知夫人情所不樂則不可以從事于久不可以從事於久則不可以責其器之備而業之精也是故學校以教士而養之以禮樂以柔伏其速成躁進之心使其終日從事于俎豆筐篚象勺干龠盤辟綴兆之容與其弦匏搏拊笙磬雅頌猷擊歌詠之聲盤辟綴兆其文郁如猷擊詠歌其音鏗如是耳目之所悅血氣之所暢也天機與器數相觸而不自知是以能終身安焉而不慕乎外上之人九年而後視其成四十而後試之仕而士不自以為滯也故其器之備也則自簡廉直溫剛寒恭愿至於中和孝友皆能

盡其微妙而無有粗疏傲戾之氣其業之精也則自虞夏商周之典章鞮譯象寄之語言至于射御操縵雜服之技凡可以為家國天下之用者能貫而通之而無有平鹵莽生澁之習蓋其磨揉之久而其勢不得不至于此也今也禮壞而樂廢先生之所以為教弟子之所以為學者何也朝擊柝而聚之而課之書夕擊柝而聚之而校之文口吻利于蠹編之誦記而思慮蔽于游詞之剽綴夫士者之為此其不得已而應有司之求則可耳豈人情之所樂而況聲利之焰薰心炫目又雜然而日出以非可樂之習驅之以必可奪之誘則宜其有厭苦

學校之心惟恐其去之不速亦何怪乎業之不精而器之不備也蓋孔門諸子嘗言志矣點獨不願仕也浴沂舞雩鼓瑟詠歌以適其意而子夏亦云出見紛華盛麗而悅有鼓瑟詠歌浴沂風雩之樂則點也可以自足於洙泗之濱而無所慕有紛華盛麗蕩之于外則子夏不能自必于其中今也無禮樂以養之有聲利以驅之而欲使之終身安焉而不去豈非勢之難者歟宜興有學舊矣歲久不葺通判泌陽焦君希程來署縣事斥贖金之餘凡若干兩鳩工庀材以繕其事又立名宦鄉賢兩祠于樞星門之旁以祀宦于其縣與其鄉先生之賢者

而學之制于是爲備既訖工教諭張君某

碑作偉

訓導某

君碑作陳君賢

率其學之弟子來請記嗚呼禮樂以養

上古之道其不可復矣雖然無體之禮無聲之樂流乎宇宙而著乎人心不假器數而傳則古之道固未嘗不在也誦書綴文以應有司之求士生于今不可以已矣雖然其誦書也務于約而不汨于百家傳註之煩其綴文也盡乎已而不牽于時俗好醜之說則今之法固不能爲累也古之所謂可樂者未嘗不在而今之所謂非可樂者不能爲累則亦可以無用於速而去之矣宜興溪深而谷窈石峭而泉冽自古宦游之士多欲徙而家

焉蓋隱然有舞雩沂水之風而地僻以簡冠蓋文繡之所不衝大賈重裝之所不輳故其俗鮮見紛華盛麗之習然則有點也之樂而無子夏之誘宜莫如此地者噫嘻諸君子其務求古人之所可樂以自足于其間以修其器與其業而無急急於務去其學也哉

按碑後紀年云嘉靖二十二年撰文二十四年立石以荆川文集校之於碑刻略有不同今從集本

二十一年知縣方逢時奉文建啟聖祠祀叔梁公其祠在廟之東

南

萬厯間知縣梁銓重建尊經閣于來請詣

邑人曹三暘記曰聖人之道奇之者經尊經于學宮不

使異說進於經也夫自有書契以來諸子百家各以意立言亦既奇且博矣然其言輒隨世朽即弗朽學者亦弗信弗信弗尊也惟聖人作為易詩書禮樂春秋以垂教萬世萬世而下罔敢或悖故尊之曰經夫經常也彼諸子百家豈必皆不尊然而不以進於經者尊經也象犀珠玉天下寶之而不以進于布帛之用熊膳豹胎天下嗜之而不以進于菽粟之用聖人之經天下之布帛菽粟也進之以楊墨則戰國進之以申韓則秦進之以黃老則漢進之以梵書禪語而宋齊梁陳前後覆轍比比相尋則信乎諸子百家之不可進於經而經之尊無

疑也雖然經聖人之道也亦吾人之心也心有陰陽故
聖人有易心有性情故聖人有詩心有政事故聖人有
書心有中和故聖人有禮樂心有是非故聖人有春秋
聖人以人心之理發于經俾天下後世學者反之虛靈
之中曰吾心本如是稽之載籍之迹曰聖人之經果如
是夫然後信之奉之歷萬世如一日故尊吾心卽所以
尊聖人之經也若乃竊尊經之名無尊經之實則窮探
象數非所爲尊易也呻吟篇什非所爲尊詩也誦習謨
訓非所爲尊書也玉帛鐘鼓筆削災異非所爲尊禮樂
春秋也況乎易隱于九師詩亂于毛鄭書散於今古之

文而戴氏所記三家所傳寔失乎禮樂春秋之舊其不
假借附會而爲非者鮮矣尙安望其經之尊也哉自三
代而下藏經者有天祿石渠有四庫書目其表章校正
之功代或有之而往往教化不興士習不正則知尊經
而不知所以尊經耳譬之獵夫漁父亡其魚兔而徒負
罝罟以號于市曰此魚兔所在也予竊爲是懼焉謹因
斯閣之成僭言之以告同志者俾知尊經有道不在于
經而在于心沿流以得其源循末以求其本炯然見聖
人之道而諸子百家之異說不得進而參之則經之所
爲尊尊經之閣之所爲重也不然經之爲糟粕也久矣

又況斯閣也其不為糟粕之蘧廬也夫吾邑學宮舊有
尊經閣圯壞且久迨梁侯至乃始鳩工聚材一鼎新之
時邑博朱君金君秦君造余徵言為記予雅重梁侯且
迫于三君之請不得以不文辭也因為申其說如此若
工費巔末則有司存不具載梁名銓仁和人朱名衍崑
山人金名垣晉江人秦名三麟常熟人

按王升梁銓傳註云萬曆十一年任
在任止二年則修閣當是十二年事

萬曆十六年知縣陳遴璋重修以東西號樓廢址各為堂
三楹東偏別為吏舍五楹

曹三暘記略曰昔眉山蘇文忠公節義文章彪炳百代

其地與陽羨相去越數千里嘗讀其乞居疏若有餘思
夫公亦奚擇而取諸此也說者謂其山深谷窈隱逸之
居為宜地僻道迂奇珍之品不至故其士風敦厚民俗
務實猶有上古之遺意焉文忠公之所取其在斯乎是
則然矣而涵養陶鎔之機鼓舞化導之自抑教化固其
本而學校固其樞也宜興學宮歲久不葺稍稍圯壞至
學官公廨不蔽風雨巴蜀陳侯以省魁登進士第來令
愷悌子民尤優厚學校于是斥贖金之餘凡若干兩鳩
工庀材為之修其圯壞更其頽敝而一新之迄幾月完
工門堂殿廡丹雘黼黻登而觀之如睹洙泗之宮牆其

學宮居舍始令安其卽次以得益勵于訓課侯之爲吾
宜興福者固不一二此則執其樞而重其本所關乎風
化者尤大訓導陶君陳君樂觀其成感侯所以作興之
意率諸生王彝敘路雲藩徐啟鉞堵應科等謁予爲記
余維在宋紹熙初括蒼高君商老知縣事視學宮久廢
不治亟先修葺且躬自訓誨詔之以道德性命之蘊博
之以詩書禮樂之文俾知士之所習有出於文章科第
之外而一時之教化風俗賴焉晦菴朱文公深嘉而特
記之迄今以爲榮今陳侯嗣徽高君而愧余不文無能
爲侯重然二君之請不可虛乃述其概如此而且申告

諸生曰吾宜古稱厚今稍已漸趨于薄古稱實今稍已
漸趨于華余雖老矣願與諸君子盟恪守先民之矩毋
斷長者之風居其厚勿居其薄處其實勿處其華今之
陽羨猶古之陽羨也況去留都五百里而近所謂首善
之地將使所在風俗蒸蒸復古人皆曰自陽羨始豈不
盛歟不然往往先哲所稱說陽羨果爲銅峯能增而高
之玉潭能濬而清之陵谷諸勝蹟能反而古之耶作興
者司教化者之任厥所習俗非余與若輩士大夫相砥
礪操行於其間而誰諉也遂載之石以志盛美云

二十三年知縣秦尙明重修

徐顯卿記略曰邑侯太康秦公尙明有聲蕭山調宜興之明年廢墜畢舉治教大行時儒學歲久不葺值積潦之後頽敝益甚汪學諭國瑞以爲言侯慨然曰吾事也不以煩吾民乃取贏于官得學租二百六十餘金請于督學御史豫章陳公子貞侯奉檄鳩工庀材自萬厯乙未七月至次年三月告成事汪君等率諸生請記於子余惟侯加意于學校至矣而諸生亦各加意于學以副侯之盛心乎夫學校者人材之所自出所爲學校重者人材也蘇長公蜀人也暫寓陽羨欲買田構亭志竟不遂迄今邑人尙想其風采矧茲

以天下名

教自任爲茲邑重者非夫也周孝侯非雍容俎豆而朝夕絃誦之士也其遷善自新自不減顏子之不貳過仲由之無宿諾乃自命曰儒人亦儒之其始側注青衿俄而進賢青緋而不聞道者非夫也今自聖廟及堂廡齋舍次第修飭丹漆黝堊輪奐一新士游息其中相與考問德業追踪往哲不專絺章刻句以獵世資而毅然紀綱人倫扶植風化不爲一邑士而爲天下萬世士使學校由人材重斯爲無忝茲學而亦豈非侯作新之至意哉

三十四年知縣喻致知重修

重刊宜興縣志 卷四
邑人吳達可記略曰歲丙午余奉差南旋適江右養微
喻公來令邑事中州信子吳公掌教吾庠睹學宮傾圮
急命諸生具呈督學奉憲檄重新之越明年丁未告成
殿廡堂舍輪奐一新堂後增惜陰軒扁曰考德問業父
老僉謂二百年來所未見之盛美也

四十五年知縣劉永基捐俸金倡修署縣事通判萬明詔
竣其工

邑人史孟麟記略曰丁巳春山陰劉侯永基來令宜甫
下車輒以興教化爲急務見敗垣折棟愀焉興慨先捐
俸若干以始事未幾竟以內艱去而萬公明詔繼署宜
篆釐蠹剔弊興廢振頽時學博區公訓導陶公余公以
劉侯旨請公欣然經其貲費多方贍之贍庀材鳩工役
以公旬董以公正始丁巳孟冬迄戊午季秋閱期月而
工就

國朝順治十三年知縣吳一鯤捐俸金倡修知縣劉方顯
踵成之

邑人蔣永修記略曰吾邑學宮自前朝嘉靖二十四年
重修而後圯毀幾百餘年郡侯崔公前任邑侯吳公新
任劉公捐俸修葺教諭于公亦起而慨捐朝董夕率載
葺載茨寢廟宏厥齋宮巖閣軒墀廡廡肅穆清謐櫺星

牆仞望之生敬而且講筵有位鼓篋有室指蹤灑掃滌
除雅潔彷彿如三古之遺風修於長安郵寄郡友曰諸
君子何必僦舫烟川銜卮別墅卽此俎豆之間射圃之
側相與竹窗連夕風雨論心靡間晨夕亦儘足稱名教
中樂地矣

十七年教諭丁允齡復捐俸金倡修

康熙十五年教諭顧智訓導王在豐勸修二十二年工竣
蔣永修記略曰宜興廟學之建舊矣每修必有記宋自
朱子記之葉適記之明王直蕭鏊吳仕唐順之又記之
其言營建之制詳矣其論修已治人之法備矣康熙二

十二年夏廣文丹徒顧君暨溧水王君復悉力重修之
工成請記于予予何能益一辭哉顧吾宜之士氣向亦
少挫矣奏銷逋糧一案去籍者幾六七百人畱覺序者
百數人而已今幸邀新令得廣額六年四試浸益至四
百餘人此正士子加意濯磨之時亦司教者可展布有
爲之時也雖然教有本有文立教之事有緩有急其本
不立雖日從事書策琴瑟之末而無當身心性情之爲
本立矣而文從之則砥其實爲孝子悌弟之人萃其華
卽公卿大夫之選第以身教者從以言教者訟驅之於
禮門義路雖不肖者將畏而趨焉若久放軼于宮牆踰

越乎坊表自非賢者鮮不蕩而自廢故棟宇不恪俎豆不肅顧子岌岌乎憂之蓋顧子之來也承宜庠數載缺官之後雖前廣文丁君允齡略爲草創久而復圯顧子得募貲值歲祲以時值售民間之鬻產者舉六十年廢墜之廟學煥然重新之費省而功倍其公署則顧子與王子各捐己貲而成者不以煩公力焉予常與顧子王子升其堂翼然履其門巍然瞻其楹桷棖棟燦然屹然乃歎曰非二子之力不及此則吾宜之人亦可識其所以教而得其所以學矣教諭顧君名智字季貞丙子舉人訓導王君名在豐字履盛明經襄事者則邑諸生蔣

子瑛潘子廷選

碑無廷選名

潘子起潘子元祺也其樂助紳

士姓氏例得備書於左

又邑人儲振記略曰振假省歸里掘謁聖宮見昔之頽隳腐壞者煥然改觀訝其功捷而化神多士潘起蔣瑛等曰乙卯歲某等釐葺拮据卒瘠期年而聖殿甫有成規丙辰冬丹徒顧師智來論茲士毅然肩爲己任行籌坐畫設方略勤勸募丹堊棖壁悉手指口授不遺餘力司訓溧水王師在豐繼至同心勸相蓋閱八歲乃告成焉振於是昌言於眾曰諸生知

朝廷建學郡縣意乎忠孝節義根於天性而實漸被於

聖王之教化禮義廉恥薰陶于教化而實培育于羣萃
州處之學宮使學宮不飭諸生俎豆弗親絃誦無地而
欲養廉恥生道義勢必不能今諸生鏃礪括肅爲碩儒
爲名臣

國家文明昌熾之氣必有厚鍾于陽羨一隅者兩廣文
與多士鼎新學宮之志亦藉是以不朽矣振不敏將珥
筆以紀其盛

三十五年邑人呈請按田捐錢重修教諭楊綠董其事併
重修啟聖祠

潘宗洛記略曰國家所首重者賢才而賢才之本在學
校吾宜自康熙十七年庠彥蔣君瑛暨余同祖兄起等
增加修葺迄今又二十載聖殿兩楹潛蠹啟聖祠更極
頽圯予以丁艱旋里心竊憂之爰集同志創首捐貲諏
日興事而工費浩繁所輸不給因具呈縣府計畝勸輸
不踰時雲集駢轡乃庀材鳩工棼椽棟桴牆塼甍璧一
整而新之築之期堅覆之期密非以飾觀欲其久而勿
壞也以三十五年經始至三十八年告成綢繆擘畫蓋
歷四載矣是役也紳士咸盡心力而董其事者實爲學
師巽居楊公公甯國宣城人秉鐸茲土十九年廉以持
身恕以接物專務德化而無刻期乎人事竣後予膺

簡命視學楚中聞楊公守制歸邑之紳士念楊公之績又以予實昕夕其間願記其事以垂諸後予惟吾邑山水之勝甲於東南二沈揚清九峯聳秀扶輿磅礴鬱爲人文掇巍科取高第者無不於學宮是重而又時值右文人知向道三農之暇無不踴躍鼓舞以襄厥任雖曠日久遠而馨鼓弗勝詎退阻於修治之艱而怠緩從事也哉後之人有鑒於此其亦預知所重矣

四十三年訓導朱士楨募布殿磚重新明倫堂

邑人任宏嘉記略曰邑必有學學必有堂堂之榜皆曰明倫倫之不可不明也尙矣我

皇上崇儒重道文治日興

御製訓飭士子文頒布學宮俾列於庠序者束身修行納於倫物則斯堂者教於斯學於斯所以勉其進戒其不率者亦於斯堂不綦重哉吾宜學宮歲久頽壞先是司教宛陵楊君暨邑中紳士公議捐修至聖殿啟聖宮以及東西兩廡頗稱完固而殿磚未布丹堊未施至今以爲缺至明倫堂則未暇及也數年來棟梁榱桷蓋瓦級磚無一完者而覆壓之勢成矣司教朱君以歲貢秉鐸來宜相顧以歎遂請諸邑侯蔣公公曰是吾之夙志而未逮者也捐俸若干金以倡朱君遂慨然以爲己任捐

俸若干金於歲之三月鳩工庀材諸庠士一乃心力而從事焉夫司教寒官也不惜長物加意圖之於是鄉先生靡不翕然共襄厥事桷腐者改棟撓者易礎發黝堊堅實充美不兩月而告成其籌畫之慎拮据之勤無過於是者非賢邑宰其誰倡之非賢典學其誰任之今者堂成矣都人士子登斯堂者窮居達用吾秉吾倫修而明之其無負

聖天子之造育亦將以斯堂觀化成也

五十三年知縣趙祁重修五十七年竣事

祁自記略曰宜之學未詳所始讀朱子序而高公商老

以傳明三百年間首事倡新則謝公德清傳後蔣公義鄒公且楊公清或葺其頽敗或增其式廓亦無不傳

國朝教諭丁君允齡外則傳顧君智王君在豐楊君綠朱君士楨迄今又數十年風雨剝落飄零漶漫廟貌雖存駸駸乎有鞠爲茂草之慮何以妥先聖之靈廣文明之化耶甲午夏中丞潘公宗洛自楚歸同縉紳萬公廷詔儲君雄文吳君端升合辭爲余言余唯唯而未有以應也因詣學集紳士共謀僉謂捐租便不足則捐俸再不足則勸輸以濟之請之當事遂鳩工庀材而經始焉兩學施君麟瑞孟君維邃任勞董率節汰持籌綜理曲

盡先大殿次兩廡內尊經外櫺星泮池丹漆黝堊煥然
一新余濫竽五載雖不獲與博士弟子敦詩說禮日優
游於其中然以下車而工興以將去而告竣揆之初願
亦可以不憾也夫

雍正元年奉文改啟聖祠爲崇聖祠設

五王木主

重刊宜興縣舊志卷之四

學校志

四祠

名宦祠在戟門西與鄉賢祠並明嘉靖二十八年知縣王
鈴建

鈴自記曰邑有名宦祠所以旌民功勸吏理也常之宜
興獨缺焉鈴嘗以吏事瞻顧學宮之旁歎果利袁公之
巍然獨廟于西也諸生旅進而僉言曰嘻君不聞吉水
之袁澤州之丁乎二公嘗爲吾民樹長畫興其利而授
之業除其患而遺之安者數世於茲矣民咸有尸祝之
願而恨無從焉惟君圖之鈴乃集邑父老於庭而訊之

日若之前令尹有能爲若輩興利除害至於今猶賴之者乎則不約而稱袁公丁公旣而登陴度兩關聞崩雷聲驚矚其下歎其以累石扼衝波約亂流而吞吐之若有神力焉顧左右知築自袁公因公事將之溧陽衝風出西汎波浪駭目篙師震掉從者請從後袁河得安流以濟蓋袁公所疏也西鄙多圩田嘗從父老厯堦墜眺高原焉沃膏之土城如甃井問之則曰多丁公圩也國初湯總兵以權宜預借之策遺我民艱鈴嘗詢漕目而咨嗟之老吏進曰丁公嘗疏於上矣省其耗餘蠲其逋負者戶有差矣不爾則積板之圩田其何以開十六

鄉之奔氓其誰與復乎鈴聞而頷之比讀邑外紀於太師徐文靖公溥得廣濟橋記焉於侍郎尹公直得後袁河記焉於提學副使吳公仕得修學記及謝奏均田賦序焉噫文獻其足徵哉乃諏於僚士鳩工庀材度地於鄉賢祠之西隨其高廣而堂焉堂成率邑父老申告之曰昔漢果利公功遺吾民長橋其大概然於二公何加焉果利可廟而二公獨不可堂乎諸父老聞之津津喜諸生請合輿情移文焉其略曰前令袁公丁公敷功底民不愧前烈應古爲民禦災捍患則祀之義鈴等何敢蔽賢太守東臺余公勉學義是舉也亟請于督學御史

象岡胡公植公之再泣宜興也嘗廉得二賢名至輒可之弗疑牒下民大悅鈴乃卜日設木主迎寘於堂陳牲薦幣爲文以酌之額曰名宦祠告成事焉時嘉靖己酉冬十一月九日也嗚呼今以往凡泣茲土升斯堂者有不聞二公而興起者乎或曰二公之政不止於前所聞者其勵廉節崇教化慎庶獄革吏弊要之咸有古純良之風斯更宜有考云袁公諱道字德純政成以待御遷丁公諱謹字惟安居凡三載卒於官

鄉賢祠舊在縣西南二里名先賢祠宋寶慶三年知縣事趙與哲建

浦城真德秀記曰古者鄉先生沒而祭於社夫社者報本之事也鄉先生何功而祭於此耶蓋嘗深思社之爲羣祀首者以其產嘉穀育蒸民而鄉先生之重於鄉亦以其蹈道秉德而厲民於善也育之以保正命釐之以全正性其功一爾然聖門所論必不得已甯去食以存信而君臣父子或失其正雖有粟不得而食焉教導開明之功若是其重此所以祭於社百世無慚歟後世先賢有祠其人遠矣而言行風蹟凜凜具存鄉人子弟猶有所觀法則雖歷千百祀不可忘也陽羨自晉以來世有顯人若周孝侯遷善之勇死國之忠卓然爲百代標

重刊宜興縣志 卷四
表繇梁而唐文章事業亦或間見可觀迨至國朝則有
若樂安蔣公儒術爲時所宗雖金陵猶推尊不敢後若
古靈陳公則嘗守郡而卒葬於此東坡蘇公則買田築
室而終於此二公之學行節守蓋皆一代偉人瑩域所
藏寢廟所寄雖非其鄉而謂之鄉人可也若道鄉鄒公
則歸自嶺南一託宿於道流之館耳而邑之人至今曰
吾鄒公也嗚呼民之秉彝好是懿德若是非耶然自晉
迄今惟周侯實有廟享餘未聞尸而祝之者寶慶三年
浚儀趙侯與哲來宰宜興以扶教導人而成稱其位又
惟內翰汪公兵部侍郎王公簡惠文忠二周公亦近臣

碩儒或家或寓皆用故事以祀九月望日妥侑如禮侯
於斯舉其欲邦人士君子相與奮發爲道德之歸乎周
孝侯同桑梓有爲若是今昔豈殊吝心苟忘何過弗可
改壯志一立何事弗可成雖然是非必襲其跡也昔吾
先聖之教自春秋賢大夫如史魚之直子產之惠舉以
告羣弟子非一至其親切傳授則曰仁而已苟仁矣天
下萬善莫不具於其中以之事君而直以之養民而惠
何者非仁之功用耶學者審能服膺洙泗之訓而以回
雍所從事者爲指歸則前修之言行風蹟雖不規規求
合吾見其無不合也祠在縣山川最勝處甫成而端木

重刊宜興縣志 卷四
叶符異材奮興此其兆也侯於此多美政今皆不書獨
書其所以幸乎宜興之士者

明成化七年知府龍晉同知謝廷桂撤學旁梓潼祠改建
邑人徐溥記曰宜興縣舊有鄉先賢祠宋西山真先生
記之以爲在山川最勝處實縣治之西南二里也歲久
祠廢獨其文存成化辛卯郡守江西龍侯晉二守山西
謝侯廷桂按部茲邑惻然興歎以崇化導民作郡之事
也昔賢無依祀典有缺甚非所以崇重先賢勸民爲善
之意顧可以省財惜費之末節而不爲乎乃撤縣學旁
梓潼祠而改作之蓋以文昌之祠非禮之正鄉賢祀社

在禮攸宜且權宜措置財不取民民不勞力輪奐一新
上下胥悅謂宜有記以某鄉人爲宜記者夫諸先賢或
以道德或以功業或以文章或吾邑之人或非吾邑之
人而死于吾邑者或生死皆非吾邑而暫寓吾邑者其
巔末備載前記茲不復贅某特以爲古者祀鄉先生于
社非特爲觀美而已也亦非但爲崇祀典而已也蓋將
以風勵後人焉耳是故爲吾邑之人而祀之則思曰吾
邑之先人如此其賢吾獨非吾邑之人乎昔也可爲今
也獨不可爲乎非吾邑之人死而祀之者則思曰彼非
吾邑人也死於吾邑而祀之耳吾邑之人反不求所以

祀之乎生死皆非吾邑但寓而祀之者則思曰彼非久于吾邑也但以賢而吾邑之人重之耳吾亦賢將不為他邑所重乎是三者皆有勸焉昔者鄭立子洩之廟昔人以為知禮子獨謂洩果當祀乎不當以厲而祀之也洩果不當祀乎不當因厲而祀之也其于崇善化民之意安在哉若龍謝二侯舉所當舉而知所本故樂為之記

嘉靖二十年署縣事通判焦希程移建今地易名鄉賢祠天啟七年知縣駱天閑重修

邑人蔣允儀記曰邑有祠以祀鄉之賢者固與學宮並興者也顧歲久而圯適當時詘不能與學宮並葺頽毀日甚今年夏秋間多霖雨遂致棟折椽崩獨神櫺僅存若有呵護之者邑大夫駱公謀所以新之而諸賢之後亦各有所捐助自鳩工至落成不兩月蓋吳生自懋指畫督促之力居多焉制視舊加崇三尺許深倍之增庭砌一週闕門南面而入規模既敞局鑰亦嚴倘典守得人以時葺治無使為風雨所蝕庶幾君子之澤常新是所望於後之人耳

忠義祠舊在學宮牆外雍正初奉文建

孝弟祠舊與忠義同祠二祠碑記見新志

重刊宜興縣舊志卷之四

學校志 禮樂器

歲春秋仲月上丁日致祭先師廟牛一羊一豕一帛一祝
 版一酒尊三爵三登一鉶二簋二簠二籩八豆八禮三獻
 每獻奏樂祭四配有四壇各羊一豕一帛一爵三鉶二簋
 一簋一籩六豆六祭東西哲二壇各豕一帛一獻爵一坐
 爵六簋一簋一籩四豆四東西廡各豕一帛一酒尊一獻
 爵一兩廡各六壇每壇簋一簋一籩四豆四坐爵東六十
 有二西六十有一祭崇聖祠有五壇各羊一豕一帛一爵
 三鉶二簋一簋一籩八豆八酒尊共一祝版一東西配各

重刊宜興縣志卷之四
三
豕一帛一獻爵一坐爵二簋一籩一邊四豆四東西廡各
豕一帛一獻爵一坐爵東三西二邊四豆四是日附祭名
宦鄉賢忠義孝弟諸祠皆羊一豕一帛一祝版一爵三簋
一籩一邊四豆四惟鄉賢祠廣爲三壇各簋一籩一邊四
豆四其祭器明宏治元年清戎御史王溫始置并爲殿廡
置銅爐

國朝順治十七年教諭丁允齡增置籩豆

重刊宜興縣舊志卷之四

學校志

卧碑

順治十二年二月禮部

題奉

欽依刊立卧碑曉示生員

朝廷建立學校選取生員免其丁糧厚以廩膳設學院學
道學官以教之各衙門官以禮相待全要養成賢才以
供

朝廷之用諸生皆當上報

國恩下立人品所有教條開列於後

一 生員之家父母賢智者子當受教父母愚魯或有非
爲者子既讀書明理當再三懇告使父母不陷於危亡
一 生員立志當學爲忠臣清官書史所載忠清事蹟務
須互相講究凡利國愛民之事更宜留心

一 生員居心忠厚正直讀書方有實用出仕必作良吏
若心術邪刻讀書必無成就爲官必取禍患行害人之
事者往往自殺其身當宜思省

一 生員不可干求官長交結勢要希圖進身若果心善
德全上天知之必加以福

一 生員當愛身忍性凡有司官衙門不可輕入卽有切
己之事止許家人代告不許干與詞訟他人亦不許牽
連生員作證

一 爲學當尊敬先生若講說皆須誠心聽受如有未明
從容再問無妄行辨難爲師亦當盡心教訓勿致怠惰
一 軍民一切利病不許生員上書陳言如有一言建白
以違制論黜革治罪

一 生員不許糾黨多人立盟結社把持官府武斷鄉曲
所作文字不許妄行刊刻違者聽提調官治罪

重刊宜興縣舊志卷之四

學校志 學額

歲貢兩年貢一人

拔貢每六年貢一人

廩膳生員定額二十名

膳銀每名六兩學租銀每名一兩七錢

增廣生員定額二十名

附學生員明萬歷間或六十名或七十名無定數以屢發大魁崇禎間增至九十六名 國朝順治初年八十名五年四十九名十八年科歲併考減至十五名康熙初年科歲仍分考定額五名二十年改定十五名後又改定二十

五名撥府學者不在內

武生歲科併考定額十五名

附學生員廣額數康熙六十一年廣額七名餘見新志

重刊宜興縣志卷之四
學校志
學田
明嘉靖十一年攝縣事推官管見以罰金鬻民田六十畝
為學田坐落清東義塋圩計九號
邑人吳仕記曰吾聞天下之物具乎人之一身而人之
一身之微足繫乎天下之物之眾夫物於我乎繫者則
亦於我乎資焉理之常也是故有我資於物者我蓋由
之以生若養生送死之需是已有物資於我者物非我
無以生若仰事俯育之累是已我資乎物而物不足以
濟我之用則我為之窘物資於我而我不足以應人之

重刊宜興縣舊志卷之四

學校志 學田

明嘉靖十一年攝縣事推官管見以罰金鬻民田六十畝
為學田坐落清東義塋圩計九號
邑人吳仕記曰吾聞天下之物具乎人之一身而人之
一身之微足繫乎天下之物之眾夫物於我乎繫者則
亦於我乎資焉理之常也是故有我資於物者我蓋由
之以生若養生送死之需是已有物資於我者物非我
無以生若仰事俯育之累是已我資乎物而物不足以
濟我之用則我為之窘物資於我而我不足以應人之

求則物爲之困然欲足夫人已之欲而免夫困乏之患者夫人皆難之而士爲甚蓋心無並用藝不可以兩能故古之貨殖之徒未聞以道德名而豪傑之士往往困於不得其所資以興亦其勢然耳今天下之士賴我國家之制以教而資之者亦既隆且備矣然民用無涯制則有限以有限應無涯吾未見其濟者況夫餽廩之所未逮恩意之所遺焉者尤多乎異端之教行乎中國琳宮梵宇遍天下膏田腴土連阡陌而莫之禁而吾儒之徒獨無所資以學焉謂非盛時之缺典亦良有司之責矣乃嘉靖壬戌春餘姚管侯以郡憲來攝吾邑搜奸剔

逋百廢爲舉間視學宮督諸生以學而又捐俸贖金以兩計者六十買田以畝計者亦如之歲將取租入以資夫諸生之貧不自贍者蓋亦古之恆產之遺意而亦我國家之所欲爲而未逮者於是諸生成德之懼其事之久而或湮也乃相率以告於教諭邢君索予爲之記予惟侯之設田以惠士者以養之於學也非徒使之自有餘而已而士之自爲田也蓋知所從事以報稱矣乎是在吾之察之而已何者其在心也有體焉體也者以言乎其具也而或習氣勝之乎若蕭稂之我侵也吾從而察之而去之以規乎其全其在性也有分焉分也者以

言乎其受也而或知見鑿之乎若螟螣之我傷也吾從而察之而弭之以反乎其始其感而爲情則謂之端端也者以言乎其著也而或壅於所未推也吾從而察之以兼覆於無外其措而爲事也則謂之功效也者以言乎其成也而或畫於所未至也吾從而察之而至之以馴致於無疆夫如是而後士之業爲益廣矣夫如是而後侯之施爲有光侯也爲昔人所未有以益士士也卽吾身所自有以報侯其施其受兩得之矣苟惟假是田以爲有利其田之人以自肥而於吾之所自有者顧漫焉而不之省豈惟虛侯之施抑亦滋士之恥也哉侯諱

見起家進士爲常州推官其攝吾邑也途歌里咏政化若神茲固其首施而波及者予書之以勗多士因以告後之嗣侯者庶幾體侯之意於不替持之以有終云祁君諱鳳毛四川人教有成績可書蓋亦贊侯之美者也書之

嘉靖三十三年巡按御史周如斗入大理寺左寺副任卿助學田一千九百七十三畝八分六釐至隆慶六年任卿姪克恭告收回九百七十三畝止存一千畝八分六釐計坐落二處一在從善鄉一在金泉鄉

嘉靖三十六年知縣董鯤入贖青田三十二畝坐落開寶

鄉又入史際田十六畝一分七釐坐落山亭鄉

徐志兩項田共八十

二畝一分七釐又入蔣文瑞田六十五畝五分九釐坐落萬二區

漏湖鄉

溧陽史際記曰勸學育才政治之首務而為國求賢之君子恆必以是為急焉宋以前法制未詳設官未備我朝創制立法媲美三代庠皆備官而又拔其英以廩之然限於制額蕃才之邑有志於上進而困於貲給者未免累及俯仰宜興東南文獻之望邑也庠多美才而貧者過半先是郡憲餘姚石峯管公視篆茲邑以贖金購田歸於邑庠而資其貧者其畱心育才不為小補管公

去任已踰二紀士夫至今稱之嘉靖癸丑海甯少溟董公奉命來知邑事適值倭寇猖獗之時撫民訓兵興廢舉墜日不暇給乃尤畱心於育才暇輒詣庠較諸生藝剖析精微厚給楮筆膏墨以獎掖之圖維經久之計復捐俸贖購官民田蕩共八十二畝一分六釐以拓管公之業計其入以資貧士視昔之所給充然有餘而所及者廣矣庠生張誠立吳騃路其直李采芮宏蔣校吳應賢施學禮王德元吳驢吳集吳槃吳杲吳夢周吳夢熊等徵言以紀其事而垂諸遠余謂公之嘉惠諸生者非欲以私恩稱美於人也其屬望諸生蓋有大於所資焉

者英傑之士能體公之盛心懋修德業藏器待時遇而
用世上輸忠於聖明下惠濟於窮困不幸而不遇不失
為賢者俾邑之子弟有所矜式以廣公之嘉惠於無窮
是則公之所望誠有大於所資也千古而下有稽載籍
而交頌其美者矣請勒諸石以俟之

隆慶三年掌縣事通判劉守謙入狄斯道助田六十畝二
分基地五分瓦屋五間坐落無考

徐志止田五十九畝七分八釐五毫無基地瓦

屋兩項
隆慶六年知縣韓容入許樞助田二十七畝七分瓦屋十

間坐落清泉區又入吳湘田五畝四分三釐五毫坐落伍

賢鄉又入潘守約誤賣學田銀六十兩買田三十四畝三

分五釐九毫三絲坐落伍賢鄉

徐志無吳湘潘守約兩項

萬曆五年知縣丁懋建以遞年積弊多端牒委訓導陸振
履畝逐一丈量釐正立冊歸縣徵收立石學內時共丈量
實在田地濠塘屋基一千三百一十五畝九釐三毫每年
應實入租米一千五十六石三斗四升八合夏麥一石五
斗九升六合其各佃戶額定每石輸銀四錢

邑人蔣瑞卿記曰宜之學有田曷始自嘉靖壬辰攝縣
事郡佐餘姚石峯管公贖金購田始繼而邑侯海甯少
溟董公復增益之漸擴而至於今者也學有廩矣而又

設之田者何廩拘於額制也田則收其歲之所入儲而餼其士之貧者數不限也私也夫如是則其來舊矣而釐正者何田散隸鄉落舊有佃戶業之團保總之耆民會計而斂散之法久而弊緣習爲奸幾於牢固而不可窮詰肥瘠變更則業侵之編戶新舊逋負則業漏之私家兼之乾沒於其中者又比比焉士之不得蒙實惠也蓋數十年於茲莫可誰何前任學師淳安石泉汪先生嘗憤之欲一釐正莫有任事者遂賣志以去歲萬曆丙子永嘉觀溟陳先生錢塘養吾陸先生莆田近洲彭先生來典教事相顧謂曰田不釐正雖多無益也乃請之

邑侯丁先生丁侯浙之餘姚人素稔斯弊遂檄陸先生而責成之乃廉士之幹直有聲者徐生大來邵生文孫與之偕履田畝而覈之必慎必恪其陰據爲己業者奪而還之雖豪猾弗貸也相地肥瘠以定其租較民賦更從寬減俾官民兩獲所利也乃又著之冊繪之圖昭然若指諸掌計其田一千三百一十五畝有奇每歲計其租之值官給印照令佃自行輸納而革去耆民仍申督學命永遵守昔之所謂侵者逋負者乾沒者數十年牢固而不可窮詰之弊一旦刷然釐正焉士始得蒙實惠而先生之功大矣諸士子欣然奉丁侯之命俾予爲之

記記成士有踵予門言曰田則釐正矣然昔貯之學今貯之縣是學無田也將若之何余曰不然學校之事患有司不加之意耳今加之意矣則申請之必以豫給散之必以時縣任其勞學享其成也他又奚患耶乃余竊有說焉余從諸生中與駿奔執籩豆之事今禮器十不能存其三典籍經史諸書百不能有其一且也學舍之頽落官廨之欹剝幾於不可收拾學有田千餘畝而其制疏陋若茲夫乃非歟縣大夫更加之意收其田之所入以其半餼其士之貧而羨而存者什猶二三也申之督學使者時而葺焉則宮牆廟宇之制詩書俎豆之輝不有彬彬可觀者耶三先生亦未可默默已也余有感因記學田而輒附此并具其數於石之左

坐落凡八處一在清東區三十七都一在從善鄉四十四都一在金泉區五十二都一在開寶區五都一在山亭鄉五十九都一在瀟湖鄉二十一都一在伍賢鄉三十都一在清泉區六十三都俱照碑刻

萬曆三十六年教諭吳登仕捐俸置祭田三十五畝勒石學門其田坐落東陽山外又申請置田八畝六分八釐以給轎傘夫

吳登仕記曰夫典莫重於祭神禹明德猶致孝乎鬼神

故案盛豐潔犧牲碩脂豈以備物昭其敬也況吾夫子道冠今古德配天地非他羣神之比春秋二祭僅僅仰答其靈貺而不腆不潔褻孰甚焉余以萬曆乙巳季冬月望銜恩命署宜興教事次年春仲得承大祭日擊庶品涼薄所餘神賜膳幾不及於士大夫與祭者惻焉傷之意圖增益議請之有司懼嫌涉瓜李且條編有額難乎其爲有司議集之諸生懼事同築舍且豐歉不常難乎其爲諸生躊躇者久迨歲戊申彙得新進贄儀并俸金共捐百兩置田三十五畝坐落邑東陽山後每歲冬租三十五石夏麥三石五斗以供二祭之不及庶垂永

久是役也贊其始者杭生承綬徐生天錫卜生元贊襄其成者周生啟元孫生美其租課逋負周孫二生承任有原券在其侵隱乾沒則有通學之公議在聞之二十年前儀物倍今十七何其隆乎而今顧若斯之菲而衰也憫其衰僅復十之一力不逮也倘推尊吾夫子而慨焉動全復之思以俟後之君子

邑人蔣應震記略曰朝廷尊崇孔子獨邁前代屢詔頒釋奠儀增祭物釐正祀典成憲具在罔敢不欽迄江陵柄政專尙操切海內有司望風承旨僉務節省甚至裁及文廟祭品當時譚者無不掩口而苟簡相承卒亦無

議復者吾宜學祭聞之往昔儀物倍今十七而今菲褻殊甚非所以肅明禋昭靈貺也萬曆乙巳冬大梁吳先生來署教事次年春日擊庶羞涼薄頽胙不敷惻然於中亟圖增益而無其策歲戊申乃捐俸金百金置田三十五畝以所入供春秋二祭之不及嗟嗟學官視學猶傳舍耳視祭猶故事耳捐貲置產豈人情所樂爲者先生此舉仰體朝廷尊崇至意克襄祀典歲歲春秋永有攸賴顧不休歟先生魁梧倜儻剛態毅腸與人絕不作媵媵狀待諸生不問勢家子弟有過輒面斥之諸生靡不敬憚豎有惜陰軒題曰考德問業他如謝貧生之贄

慎賓筵之選剛方正直之行咸足端士習樹師模誠良教職之選乎

萬曆四十一年巡撫徐民式巡按房壯麗撥發泮墅督稅郡丞許某羨金二百五十兩檄縣增置學田又陞任知縣喻致知曾捐俸五十餘兩又署縣通判陳奉璋捐俸四十餘兩共得銀三百五十兩七分買田一百二十八畝四分三釐三毫一坐落開下區一坐落萬一區一坐落山亭區邑人史孟麟記略曰宜故有學田今增置者何則巡撫徐公直指房公大造宜人士而設也二公按部四郡甫下車輒問民間疾苦釐剔弊蠹又以培養人才振作士

習爲己任值蘇郡丞許君督稅許墅裁靡約已常貢外
得羨六千有奇悉輸公帑二公喜曰散廉吏之金寬養
士之祿是不可以成吾志乎遂移檄諸郡縣派置學田
歲入租以供月課賑貧生吾宜坐派銀二百五十兩檄
至署縣事郡倅陳公尤注意作輿曲爲擘畫以奉行美
意擇買民田履畝較勘價不滿者三之一不欲以損公
儲先是江右喻公令宜時常出橐中資五十餘金欲增
置義田因大潦不果乃金故在遂上其事於兩臺報可
復捐俸金四十餘兩以足之助成事云
湯伯閱助田四十畝二分四釐坐落岳山

知縣駱

疑卽駱天開

入陳元祈助田九畝

知縣李入許文徵助田二畝六分六釐六毫已上三項其
入田年月無考

國朝康熙三十六年貢生蔣庠復助田四十八畝坐落師
古圩舍頂上

五十六年貢生黃進章助田十一畝九分一毫坐落山亭
區良字號 掌縣事通判于入陸羽助田二十二畝三分
七釐六毫坐落從二區優字號

[Faint bleed-through text from the reverse side of the page]

重刊宜興縣舊志卷之四

學校志 書院

崇儒書院在宜興縣治東 即今三賢祠 詳見壇廟

明道書院在城東隅周孝侯墓側明萬厯間太僕史孟麟講學之所後邑令喻公致知倡建以為士紳講習地巡撫周公孔教題曰明道書院一時名賢學士雲集與東林相輝映至魏璫擅國時乃毀後史夏隆憫先業之廢追敘其事而為之記

記曰明道書院先君子繼東林書院而手創者先君子同高忠憲勤事顧端文修復東林講會因朝夕之便別

重刊宜城縣志 卷四
建書院於宜城城東隅有晉周孝侯墓墓左隙地可建
書院先君子輸稅築基焉時郡伯劉公邑侯喻公襄其
事而宜邑始有書院講堂三楹頗宏整顏曰敬學堂後
有樓樓祀三先生門東向額題明道書院左右立兩碑
一鄒忠介公撰文一則先君子自記講期定於朔望有
不遠千里而赴者如鄒南皋劉念臺諸先生近則顧唐
高姜錢諸君子暇則集及門士談經課藝道遠者給其
資斧俾卒業周相國時年少尤朝夕侍焉癸亥十月先
君子棄世邑侯饒黃山率通邑紳士祔主列祀隆生也
晚甫就塾卽隨班聽講天啟初魏璫擅國詔毀天下書

院助大工周相國讀禮家居出橐貲收其屋地未幾楮
國大拜爲乃祖少康公請專祠卽其地興工意蓋附孝
侯也踣兩碑遷木主於別業書院之跡遂滅隨見他郡
邑稍稍復書院相國不自安擬別基再造未果行而殞
隆痛先志之久淪念遺踪之難復圖其堂閣門垣之制
記其題額碑篆之文列講林之姓氏詳其事之多賢輯
成編以俟來喆披覽者能無興廢之感乎

東坡書院在邑東南蜀山麓舊有東坡祠卽公所欲買田
築室處歲久廢爲僧居明宏治間沈侍郎暉復之又助地
三十餘畝肖公像祀之額曰東坡書院聚邑之士紳講誦

焉李東陽爲之記

重刊宜興縣舊志卷之四

學校志

社學

創於明初猶古塾師之意亦教化之一端今雖廢不可不畱其名

明洪武八年命諸縣立社學宜邑社學在城西南隅成化間縣丞戴禮徐麟重建林智爲記

記曰聖天子卽位三年詔郡縣立社學擇師範以教其子弟復勅董學憲臣考校責取成效恩至渥也維時侍御臨海陳公選以學行絕倫用廷臣薦上賜璽書特命總理南畿學政公既受命夙夜殫慮端軌範嚴條約抑浮靡戒奔競所至拳拳焉以崇正學迪正道爲先遵詔令有司營創社學四年秋柳州李忠知宜興縣於縣治

西南隅得民間隙地四畝甫興作間以老告歸繼而縣丞戴禮徐麟協力經理作正堂三間於南齋房六間於東西高深廣狹咸稱其宜五年夏知縣楊祥始蒞治復作前屋三間夾室四間外樹大門揭以華扁內砌階除加以粉飾乃置几案什物鳩庶民之幼冲使執業而居焉簡士林之博雅俾課其徒而息焉給其膳羞蠲其繇役教者讀者各有位置游焉息焉悉有常居經始於戊子歲冬落成於己丑歲夏越明年陳公考校至邑詢其創造之因以爲屋雖官覆地由民餽出於權宜殊非久計乃令戴丞捐貲以市其地立券以歸於官蓋欲世爲

講肄之所復命刻石以垂諸後竊聞古昔盛時上自王宮國都下及閭巷莫不有學是以人人行比屋可封治隆俗美降自漢唐學制非一洪惟國朝法古興文崇儒宏化不惟建學於郡邑民間里社亦各有學培根達支端有賴於斯焉遠近承風靡敢或後然而求益之童來游於是當敦行乎孝弟謹信服習夫灑掃應對進退之節與夫詩書六藝之文收其放心養其德性由是入於大學進修德業而致夫明德新民之功實於此乎基斯學之設豈細故哉後之長民者時葺而屢省之俾勿壞斯可矣按社學至宏治間令王鏞重建廳堂五間東

西房各三間門道一座設教讀二人生徒選市民俊幼者充之洎萬厯之季虛名備數多以市井屠沽子弟充叔其間惟圖苟免差役然至月吉讀灋時尙有童子歌六條詩章比年來竟爲絕響學舍竟成瓦礫僅存二間徒供胥役之居而已姑書之以俟後之復古者

徐志

重刊宜興縣舊志卷之四

學校志

鄉飲

禮有五曰吉凶軍賓嘉鄉飲酒賓禮也一以尊齒一以尙德使通邑之人皆知尊齒尙德而風厚焉

鄉飲酒禮行之三代尙矣明洪武初頒定此禮每歲以正月望十月朔行之於儒學明倫堂必請邑之耆碩眾所推重者爲賓次爲介凡拜至拜見拜送以致潔致敬致尊讓猶有先王之遺風

國朝因之甚盛典也比年視爲具文曠歲不舉或越期乃行典浸微矣良有司尙其念之

鄉約

講約於鄉與講學於庠序書院事相夾輔此崇教勵俗良法因附于學校後

古者鄉社讀灋所以廣學校明倫之意也明洪武初倣古三物意頒六諭以約天下之鄉化行俗美厥有明驗我世祖章皇帝頒行申飭四方奉行已久但邇年視為具文良有司於政務之暇令民舉行亦挽頽風臻上理之一助也

重刊宜興縣舊志卷之五

歷代職官考

宜興在漢為陽羨有令有丞有尉有簿縣改為邑則有長晉改義興郡則有太守有都尉有長史有督郵主簿所屬陽羨國山臨津義鄉永世平陵暨隋改郡為縣則有令有丞尉簿等官唐改南興州則有刺史有別駕有長史有司馬有錄事參軍所屬義興陽羨臨津暨改州為縣後有令有丞有簿有尉有知縣事有丞有簿有尉有主學有學錄有監市務酒稅監張渚鎮監湖汶鎮有香蘭寨分界寨巡檢其知縣事初以京朝官或試銜幕職為之



元豐後始用選人元改宜興州則有達魯花赤有知州有同知二州判二有都目有儒學教授有大學訓導小學訓導有蒙古字學教授有茶園正副提領明仍為宜興縣則有知縣有縣丞有管糧縣丞宣德成化正德間嘗置治農縣丞皆旋省宣德六年又增撫民縣丞後亦省有主簿有典史有儒學教諭有訓導二有巡檢四有陰陽學訓術有醫學訓科兼領惠民藥局有僧會有道會有稅課局大使有張渚批驗茶引所大使有守禦正副千戶有鎮撫有百戶崇禎間復設欽依守備

國初宜興縣有知縣有縣丞有主簿康熙間省有典史有巡檢四有教諭有訓導有守備有千總有把總自漢以來舊志所載多闕訛咸淳毘陵志又不載宜興守令今稽之史籍於康熙二十五年以前視徐嗜鳳舊志所缺者悉補之分為守令僚屬學秩武秩四目庶覽者有所徵信云

職官志 守令

漢陽羨長傳者二人

袁玘 會稽人

孫權 富春人策定諸郡時權年十五以為陽羨長

晉陽羨令一人

賀循 會稽山陰人舉秀才

守令

東晉義興太守傳者十有四人

孔侃 元帝時人

蔡謨 元帝時陳留考城人

劉超 明帝時琅邪臨沂人

顧眾 明帝時吳郡吳人

荀羨 穆帝時潁川臨潁人

褚爽 孝武時河南陽翟人

謝景 孝武時陳國陽夏人

桓元 孝武時譙國龍亢人

魏隱 安帝時人隱傳作鄆今從帝紀

周亢 淮南人

戴謚 廣陵人

劉赤松 東萊掖人

王靜之 琅邪臨沂人

施斌 安吉人

東晉縣令傳者四人

何尚之 安帝時臨津令廬江潯人

伏滔 孝武時永世令平昌安邱人

陸翼 孝武時永世令

羊元保 安帝時永世令泰山南城人

宋義興太守傳者二十有三人

江夷 武帝時濟陽考城人

王準之 少帝時人

向劭 文帝時河內山陽人

王球 琅邪臨沂人

羊欣 泰山南城人

張茂度 本名裕吳郡吳人

傅隆 北地靈州人

劉損 沛郡蕭人

劉楨 闕

顧琛 吳郡吳人

王琨 琅邪臨沂人

臧質 東莞莒人

王僧達 琅邪臨沂人俱文帝時任

到元度 孝武時人

垣闓 孝武時畧陽桓道人

劉延熙 孝武時人

庾菜 明帝時人

王蘊 明帝時琅邪臨沂人

王儉 蒼梧王時琅邪臨沂人

謝超宗 順帝時陳郡陽夏人

王瑩 順帝時琅邪臨沂人

庾深之 新野人

何攸之 盧江潯人

宋縣令傳者三人

劉秀之 文帝時陽羨令東莞莒人

司馬敬琳 文帝時國山令

巢邃 明帝時緩安令

按舊志列江秉為永世令在少帝時考宋地理志其時永世已歸丹陽唐鶴徵府志載之疑誤

齊義興太守傳者九人縣令傳者一人

王績 高帝時琅邪臨沂人

王秀之 武帝時琅邪臨沂人

謝朓 陳郡陽夏人

褚綦 河南陽翟人

張充 吳郡人以上俱武帝時任

賈稅 長樂人

王騫 琅邪臨沂人

王晃 琅邪臨沂人

劉瑱 彭城安上里人 以上俱太守

孔道 高帝時陽羨令會稽人

梁義興太守傳者六人監義興郡者二人

任昉 樂安博昌人

陸杲 吳郡吳人

褚翔 河南陽翟人

柳明 河東解人 以上俱武帝時任

韋載 元帝時京兆杜陵人

陳擬 敬帝時吳興長城人

杜稜 監義興郡吳郡錢塘人

韋颺 敬帝時監義興郡京兆杜陵人

梁縣令傳者二人

劉潛 武帝時陽羨令彭城安上里人

劉杳 武帝時臨津令平原郡平原人

陳義興太守傳者五人

胡穎 吳興東遷人

蕭濟 東海蘭陵人俱文帝時任

沈欽 吳興武康人

毛喜 滎陽武人俱宣帝時任

許允宗 後主時人

唐義興合傳者十有一人佚其名者五人

李銘 元宗時人

邱 代宗時人

陳從諫 憲宗時人

徐延休 昭宣帝時會稽人進士

鄭機 鄭州滎澤人

裴知久

鄭

崔 將仕郎

陸士倫

李

崔

按鄭機裴知久見於唐書宰相世系表臨津鄭明府見杜審言集將仕郎守義興合崔見會仙巖石刻陸士倫見李嘉祐詩李明府見皇甫冉詩崔明府見張祐詩故悉依舊志次之

南唐義興合五人

楊廷式 清原人

李處裕

趙宣輔

歐陽度 宋建隆元年任

劉勳 著作佐郎建隆四年任

按度見於雲麓漫抄所載善權寺碑勳則有自作平西將軍贊其時李景雖奉宋正朔而官則仍自授故次於此

宋知宜興縣事百二十有七人

太宗時二人

孔揆 大理寺評事 雍熙二年任

李正基 試秘書省校書郎 端拱二年任

真宗時十有二人

張顏 團練推官 試秘書省校書郎 咸平二年任

陳龜從 大理寺寺丞 咸平二年任

孟穆 景德元年任

李若谷 徐州豐人 進士 大理丞 景德二年任

令狐餘慶 大理評事 大中祥符元年任

徐沆 大理寺丞 大中祥符三年任

崔仲卿 太常寺博士 大中祥符六年任

李昭迴 大理寺評事 大中祥符七年任

高繪 太子中舍 天禧元年任

胡楷 試秘書省校書郎 天禧五年正月任

馮直亮 衛尉中丞 天禧五年七月任

陳湘 太子中舍 乾興元年任

仁宗時十有九人

辛有孚 大理寺寺丞 天聖元年任

邵谷 右贊善大夫 天聖二年四月任

李周民 大理寺寺丞 天聖二年十二月任

賈昌朝 真定獲鹿人 殿中丞 天聖五年任

周陵 太子中舍 天聖六年任

盛山甫 將作監丞 天聖八年任

陳淨 殿中丞 明道元年任

解察 大理寺寺丞 嘉祐二年任

王罕 成都華陽人 太子中舍 寶元元年任

孫奕 大理寺寺丞 康定元年任

劉永 太子中舍 慶曆三年任

邊明 秘書丞 慶曆五年任

鄭民彝 太常寺太祝 慶曆十年任

尹文煥 太子中舍 皇祐元年任

燕雍 國子博士 皇祐三年任

李從簡 國子博士 至和元年任

司馬旦 陝州夏縣人 太子中舍 嘉祐二年任

趙文昌 比部員外郎 嘉祐四年任

吳申 殿中丞嘉祐七年任

英宗時二人

王應辰 太子中舍治平二年任

樓閱 婺州人秘書丞治平三年任

神宗時八人

李杞 大理寺寺丞熙甯二年任

路授 職方員外郎熙甯四年任

王子韶 太常寺寺丞熙甯六年四月任

季佑賢 太子中舍熙甯六年九月任

陳厚夫 殿中丞熙甯八年任

夏暈 光祿寺寺丞元豐元年任

褚理 奉議郎元豐四年任

李去盈 宣德郎元豐六年任

哲宗時五人

李權 奉議郎元祐元年任

周明之 奉議郎元祐四年任

賀璋 左奉議郎元祐七年任

王梁材 宣義郎紹聖二年任

田覺 宣德郎元符二年任

徽宗時八人

王昌彥 奉議郎建中靖國元年任

葉世隆 朝奉郎崇寧三年任

陳傑 奉議郎

王師伏 承議郎大觀三年任

劉彥祖 宣德郎政和二年任

徐孝廣 承事郎政和七年任

張銳 宣議郎宣和二年任

徐大均 通直郎宣和六年任

欽宗時一人

趙子璘 承議郎靖康元年任

高宗時十有七人

守令

呂斌 奉議郎建炎二年任

盧湛 鄞縣人建炎中任

王葆 崑山人左從事紹興二年任

趙公白 左朝奉郎紹興八年任

張壽祺 右通直郎紹興十四年任

榮彝 左朝散郎紹興二十年任

施祐 右通直郎紹興二十四年任

曾逮 右通直郎紹興十九年八月任

姜詔 右承議郎紹興三十二年任

趙子沃 奉議郎建炎三年任

黃積厚 朝奉郎紹興元年任

趙不搖 左承議郎紹興五年任

閻邱崇孫 右奉議郎紹興十一年任

鄭知剛 左奉議郎紹興十七年任

魯冲 右通直郎紹興二十二年任

陳迥 右通直郎紹興二十六年任

曾愷 右承務郎紹興十九年十一月任

按成淳 毘陵志碑碣門云岳忠武生祠記建炎二年令錢謙撰唐鶴徵本朱昱舊志遂於職官表增謙名

據宋史 淳熙六年始諡武穆何以五十年前生祠已書諡法此必有誤故從缺

孝宗時十有五人

錢從之 右通直郎乾道元年任

劉揚庭 左宣教郎乾道四年任

吳千乘 右通直郎乾道八年任

姚耆寅 宣教郎淳熙二年任

趙達夫 宣教郎淳熙四年二月任

左昌時 鄱陽人宣教郎淳熙五年任

周梓 宣教郎淳熙十年任

俞亨宗 從政郎淳熙十六年任

王際 右通直郎乾道二年任

詹儀之 左朝奉郎乾道六年任

黃開 宣教郎淳熙元年任

蘇祁 宣教郎淳熙三年任

王燾 宣教郎淳熙四年十月任

鮑文 奉議郎淳熙八年任

周時文 通直郎淳熙十三年任

按咸淳毘陵志碑碣門云重修學記乾道八年令孫固撰而所載秩官內是年則吳千乘唐鶴徵本朱昱舊志增入又訛為孫回此不可考姑從闕

光宗時一人

高商老 處州人承議郎 紹熙元年任

甯宗時十有四人

徐棻 宣義郎慶元元年任

張澤 奉議郎慶元四年任

陳祖永 宣教郎嘉泰元年任

韓耀卿 朝散郎嘉泰四年任

趙積謙 通直郎開禧二年任

張大鼎 宣教郎開禧三年任

秦鉅 朝奉郎嘉定三年任

趙伯鯉 奉議郎嘉定四年任

羅仲舒 宣教郎嘉定六年任

林惟孝 宣教郎嘉定九年任

戴楠 永嘉人進士承事 嘉定十年任

任桌 嘉定十四年任

陳見德 嘉定十五年任

洪僦 鄱陽人嘉定末攝任

理宗時二十人

趙與哲 浚儀人寶慶二年任

謝奕修 天台人紹定三年任

朱詵 紹定六年任

汪埴 端平元年任

計朋龜 嘉熙元年任

施浣 嘉熙二年任

趙時梅 嘉熙三年任

王鎔 宣教郎嘉熙四年任

趙與京 淳祐三年四月任

虞旻 淳祐三年十二月任

吳已之 淳祐四年任

趙時耕 宣教郎淳祐五年任

徐該子

周夢發

李煒

葉從龍

桂錫孫 宣教郎寶 祐二年任

林應發

林畿

葉哲佐 景定間任

度宗時二人附不著代者一人

趙汝禧 咸淳初任

范金 迪功郎咸 淳三年任

趙彥倓 宗室攝任宜 興不著代

元宜興州知州三人

辛思仁 英宗泰 定間任

張復 順帝至 正間任

卜原善 益都人至 元末任

明宜興縣知縣八十有二人

洪武時四人

卜原善 元知州 元年任

謝德清 明州人 三年任

趙惟一 陳留人賢良方 正十一年任

周賓 奉新人 元年任

永樂時二人

劉深 南和人監 生元年任

楊宣 蒼梧人進士 十二年任

宣德時四人

范載昌 豐城人監 生元年任

臧性 鄞縣人 進士

天章惟澄 永嘉人舉 人五年任

蔣義 上饒人 材十年任

正統時一人

景鄒旦 樂安人 七年任

景泰時一人

宗顯 鄞縣人 三年任

天順時一人

李忠 鄧州人 六年任

成化時八人攝任者一

楊祥 永平人 進士 五年任

謝庭桂 常州府同知 五年攝任

何鑑 浙江新昌人 進士 六年任

孟瀛 博野人 進士 十年任

沈振 山陰人 進士 三年任

袁道 吉水人 進士 九年任

陳昱 玉山人 舉人 二十年任

謝文獻 華容人 舉人 二十三年任

宏治時四人

陳策 武昌人 進士 元年任

朱輔 公安人 進士 七年任

張偉 內江人 進士 九年任

王鏞 晉江人 進士 十四年任

正德時五人

孫燧 韓城人 舉人 二年任

劉一中 蒲州人 進士 六年任

鍾卿密 泰和人 進士 九年任

劉秉仁 大邑人 進士 十二年任

韓儒 平鄉人 進士 十五年任

嘉靖時二十一人攝任者三

何棟 長安人 進士 元年任

趙繼勳 汝陽人 進士 三年任

丁謹 澤州人 進士 六年任

管見 常州府推官 攝任

彭簪 常州府通判 攝任 十一年任

谷蘭 繼一作宗 歷城人 進士 十一年任

守令

林東海 莆田人進士

趙國良 同州人進士

李明 餘千人舉人

杜朝聘 東阿人進士

馮惟訥 臨朐人進士

焦希程 泌陽人常州通判

方逢時 嘉魚人進士

王鈴 黃巖人進士

李郁 安居人進士

董鯤 海甯人進士

杜謙 裕州人進士

鄧球 祁陽人進士

郁言 山陰人進士

李江 順天人進士

黃茂 武昌人進士

隆慶時三人攝任者一

徐應聘 黃岡人進士

劉守謙 安福人常州通判

韓容 青城人進士

萬曆時十六人攝任者一

丁懋建 餘姚人進士

宋國相 濱州人進士

胡旦 餘姚人進士

黃道瞻 晉江人進士

梁銓 仁和人進士

陳遴璋 富順人進士

傅慶貽 南安人進士

李開春 上高人進士

秦尙明 太康人進士

王以甯 會稽人進士

喻致和 南昌人進士

陳翼飛 平和人進士

朱瀛達 餘姚人進士

劉永基 山陰人進士

萬明詔 常州府通判

蔣英 嘉善人進士

天啟時四人

蔡璿 福建人進士元年任

駱天閑 泉州人進士七年任

崇禎時九人攝任者一

李獻廷 洛陽人進士元年任

石確 黃梅人進士六年任

李覺先 鎮遠人進士十年任

宋東璧 山西安邑人進士十四年任

熊興麟 永定人進士十七年任

饒京 蘄州籍進士四年任

何夢駿 府同知晉江人二年攝任愛士有聲

童兆登 慈谿人進士三年任

蔡如葵 常州府同知十年攝任

吳翔鳳 大興人進士十二年任

葉承光 湖口人進士十六年任

國朝未分縣以前宜興縣知縣四十四人

順治朝十二人攝任者一

熊訥敬 清江人恩貢二年任

張得用 遼陽人貢生六年任

張世則 安邑人舉人九年任

吳一鯤 陝西榆林人拔貢十三年任

謝九錫 魚臺人貢生十五年任

謝良琦 常州府通判十七年攝任

康熙朝三十有二人攝任者十

王勸 諸城人進士四年任

劉國進 遼東人貢生七年任

王元士 臨潼人進士十年任

劉芳顯 京山人副榜十四年任

王震亨 稷山人進士十六年任

徐日藻 臨川人舉人十八年任

李元華 南昌人舉人二年任

熊坊 高安人常州通判七年攝任

蒲薦馨 南都人舉人二年任

高標 滿洲人進士七年任

童雯 仁和人舉人任

史宗堯 清苑人任

劉啟和 江陵人進士

張含瑾 蒲州人進士

姚景崇 奉天人監生

胡巴 鑲白旗人任

蔡司霑 龍溪人舉人

李先榮 奉天人貢生

文超靈 東莞人進士

趙觀 翼城人舉人

何振 宛平人常州通判

張珩 陽信人監生

王禹鼎 大興人江陰縣丞

蔣尙緝 全州人舉人

王儒 松江府通判

胡鳳翬 鑲白旗人監生

耿起鳳 句容縣丞

陳智先 騰越州人副榜

周崧 常州府通判

卞永昱 常州府通判

顧爾敏 昌化人貢生

趙祁 孟縣人進士

彭耀祖 漢軍正白旗人監

李世金 常州府同知

魏元琦 龍谿人舉人

周中鏞 崇明縣丞

張汝慄 常州府知府

鮑楹 餘杭人舉人

雍正朝在未分縣以前者三人攝任者二

嚴接 金壇縣知縣

王時瑞 仁和人進士

赫勝額 鎮江府同知

四年後新分兩邑載入後志

職官志	僚屬	重刊宜興縣舊志卷之五
齊義興郡督郵主簿一人	郡人高帝	吳達之
梁義興郡督郵主簿一人	郡人	蔣嗣宗
隋義興縣丞一人	鄭州滎陽人	鄭元恭
唐義興縣丞二人	范陽涿人	盧揆
	僚屬	李翺
		奉義郎

重刊宜興縣舊志卷之五

職官志

僚屬

齊義興郡督郵主簿一人

吳達之

郡人高帝
建元中任

梁義興郡督郵主簿一人

蔣嗣宗

郡人

隋義興縣丞一人

鄭元恭

鄭州滎陽人

唐義興縣丞二人

盧揆

范陽涿人

李翺

奉義郎

義興縣主簿一人

王廣

義興縣尉八人

嚴挺之

華州華陰人進士制科中宗神龍元年任

袁德師

滄州東元人德宗貞元中任

房

伏其名

何玠

潯人

鄭鈇

鄭州滎陽人

張仲宗

韶州曲江人

元昱

權況

秦州畧陽人

按臨津房少府見楊炯詩所謂臨津當亦指義興鈇仲宗並見宰相世系表玠見咸淳毘陵志仙釋門況咸淳志權德輿傳陳玉璣府志又載有鄭豐據世系表豐乃無錫尉疑玉璣誤列於義興故不載

宋宜興縣丞七人

黃彥

會稽人神宗元豐間任

呂表

哲宗元祐間任

韓隆胄

孝宗淳熙中任唐鶴徵徐喈鳳志皆作隆曹

趙師森

光宗紹熙間任

劉璧

甯宗嘉定間任

洪僩

鄱陽人甯宗嘉定十六年任

沈次及

理宗寶慶間任徐喈鳳志作次郊

宋宜興縣主簿五人

吳闡

哲宗元祐間任

朱倬

閩縣人進士高宗紹興初任

陳晦

吳興人光宗紹熙初任

趙汝漕

甯宗嘉定間任

朱冠卿

按周必大於橋頌帖後引主簿朱冠卿續編宜興圖經所紀皆蘇文忠在宜興事或北宋末南渡初人也

宋宜興縣尉七人

阮洪 仁宗嘉祐間任

李寬 哲宗元祐中任

趙伯津 孝宗淳熙元年任

謝遺規 江陰人進士 淳熙二年任

秦膺剛 淳熙中任 陳府志作應剛

賈子堅 光宗紹熙初任

趙汝邁 理宗寶慶初任

宋監宜興縣稅一人

趙不衰 宗室高宗紹興初任

按不衰之名見於宋史善俊傳朱子為作墓誌祇云公諱某而吳紱據朱子集補入徐階鳳志乃以某字為某字之訛殊悞

宋督宜興縣圍田租一人

孫子秀 越州餘姚人進士理宗時任

明宜興縣丞百十有六人

宣德時三人

李鼎新 五年任

鄧躍 吉水人 五年任

包用達 桐廬人 六年任

正統時五人

鄒倫 萬載人 六年任

和祥 巴陵人 六年任

李暄 鄱陽人 七年任

陸潤 杭州人

竺籥 上虞人 十年任

天順時三人

廖桓

徐麟 武安人 八年任

成化時七人

戴禮 四年任

張縉 陽曲人 十年任

林鳳舉 十八年任

李正良 眉州人 二十一年任

宏治時十四人

宋欽 餘姚人 監生 六年任

陳謨 清江人 四年任

趙良 遼山人 六年任

相輔 安邑人 十年任

暢衡 江陵人 十年任

延尙 十九年任

蘇繼先 諸城人 監生 二年任

陳輔 臨潼人 五年任

宋穆 武強人 七年任

司馬庠 山陰人 十年任

張朝用 陽穀人 監生 十一年任

王贊 深州人 十年任

楊謙 交河人 十年任

按唐鶴徵陳玉璣府志俱以陳謨為陳模陳輔為陳浦司馬庠為司馬祥薛麒為薛騏似誤今從王升志

正德時十二人

孫承祖 平定州人 二年任

劉暹 大庾人 五年任

李廷珪 盧谿人 八年任

高啟 曹縣人 八年任

崔偉 歷城人 十年任

李恕 潁川人 監生 十二年任

薛麒 鄆縣人 十年任

曾基 固始人 十年任

李繼祖 衛輝府人 二年任

安希賢 無極人 六年任

魏達 豐潤人 八年任

謝九皋 章邱人 九年任

黃舉 威海衛人 監生 十二年任

張克明 潞州人 監生 十四年任

嘉靖時二十八人

周賢 元年任

陳永 十年任

局體時 十七年任

馮光國 慈谿人 監生 十八年任

王世相 安邑人 監生 二十年任

張宏濟 河南人 二十年任

南輔 安邑人 九年任

楊奇 趙州人 監生 十三年任

魏玉 公安人 監生 十五年任

張緯 十年任

向應奎 十年任

紀忠 十七年任

陳由仁 十八年任

梁橋 二十年任

孫昂 博野人 選貢 二十三年任

莫如幾 安吉州人 選貢 二十三年任

莫繼武 錢塘人 二十年任

閻釗 隴州人 選貢 二十七年任

馬清 長子 貢生 三十一年任

李朝聘 山東人 貢生 三十五年任

王學習 安肅人 舉人 三十六年任

陳顯道 貢士 三十八年任

黃九皋 建德人 監生 三十九年任

隆慶時五人

李沂 淮安人 貢士 元年任

楊迴 武安人 選貢 二十三年任

陳愈 歷城人 監生 二十七年任

文炳 縣竹人 監生 三十年任

徐夢周 武邑人 監生 三十三年任

黃檄 秀水人 知印 三十六年任

吳瑞龍 新淦人 監生 三十八年任

林尙秀 福清人 吏員 三十九年任

齊堯臣 南宮人 監生 四十年任

李芬 廣西人 貢士 二年任

唐恩 東鄉人貢 士五年任

賀國忠 隰州人監 生五年任

朱冠 魚臺人監 生六年任

楊文盛 安州人恩 貢三年任

周尙志 衡陽人貢 士四年任

董學詩 蒙陰人貢 士七年任

寇官紀 應城人恩 貢九年任

楊喬 永福人貢 士九年任

張廷松 萬全衛人貢 士十二年任

陳欽志 興甯人貢 士三年任

王希孔 柳州人貢 士十五年任

宋訓 平樂人選 貢十六年任

黃沛 邵武人選 貢十六年任

陳耕 武甯人監 生十七年任

彭幹 武城人選 貢十七年任

張易 高陵人選 貢二十年任

魏士偉 南昌人選 貢十二年任

鄧選 甯甯人選 貢二十三年任

郝敬 京山人進 士二十六年任

諸烝 蘭谿人二 十六年任

顧一言 會稽人二 十七年任

李天成 南海人吏 員二十八年任

周治岐 忠州人選 貢三十一年任

王薦 宜章人選 貢三十二年任

鍾遠大 宜南人貢 生三十五年任

李正員 縉雲人貢 生三十七年任

曾三樂 蕪水人三 十九年任

倪天祿 上虞人四 十一年任

王家棐 金華人四 十二年任

高廷聘 孝豐人吏 員四十五年任

童大奇 施州人選 貢四十五年任

張煥 南鄭人吏 員四十七年任

周用禎 吉水人貢 生四十八年任

天啟時二人

張士選 莆田人吏 員二年任

郭夢日 延長人吏 員六年任

崇禎時七人

傅奇 山陰人吏員元年任

涂士元 南昌人貢生四年任

唐昌祚 桂林人貢生七年任

段一麟 松潘衛人貢生十年任

賴喬揚 義甯人貢生十三年任

覃楚大 長揚人貢生十五年任

劉齊崑 銅仁人監生十七年任

明宜興縣主簿五十四人

洪武時三人

許穆 樂平人三年任

郭獻 遷安人八年任

王復春 十年任

正統時二人

崔冕 襄城人

王耿 新城人

天順時二人

蕭肅 同安人二年任

王能 新城人八年任

按朱昱昆陵志有王能而無王耿王升因之唐鶴徵志謂王能天順八年任徐嗜鳳因之正統十四年修袁府君廟危山作記有判簿新城王耿名各志錄危記而職官內乃不補耿名疑朱昱志偶誤耿為能唐鶴徵又誤以正統末年係之天順末年也姑並存以俟考

成化時五人

呼昱 吳堡人五年任

郝翥 甯津人十一年任

顏綱 甯晉人十五年任

李珣 慶陽衛人二十一年任

朱悔 陝西人二十一年任

宏治時四人

路鐸 曹縣人 元年任

徐洪 東陽人 十二年任

伍倫 德化人 九年任

孫定 襄城人 八年任

正德時五人

郭士純 絳州人 三年任

唐潔 莒州人 九年任

彭琛 獻縣人 三年任

李學 滑縣人 六年任

樊智 溫縣人 十年任

嘉靖時十人

李餘慶 十年任

苗秀 吳橋人 七年任

周昂 北勝州人 十四年任

朱邦俊 博平人 二十四年任

王璟 三原人 監生 二十七年任

李逢春 三十八年任

張棹 安平人 貢士 二十四年任

謝展 天津衛人 貢士 三十九年任

江山 鐵嶺衛人 貢士 四十六年任

周助 四十五年任

隆慶時二人

姬業 保山人 貢士 元年任

邢平 尉氏人 監生 四年任

萬曆時十二人

宋嵇 餘姚人 監生 二年任

何嗣亮 龍川人 恩貢 七年任

吳紳 秀水人 監生 十二年任

林煒 陽朔人 恩貢 五年任

黃禮 南城人 監生 九年任

周田 獲鹿人 貢生 十八年任

國時道 延慶人 選貢 二十二年任

周諒 延津人 二十八年任

金有光 義烏人三十一任

楊繼震 龍溪人三十五年任

胡大德 山陰人三十八任

王日講 會稽人貢生四十二年任

天啟時二人

岳成玉 平定州人吏員元年任

陳仁 清化人吏員七年任

崇禎時六人

錢一泮 上虞人吏員三年任

韓國良 南豐人貢生六年任

黃堂 福安人貢生七年任

楊紹芬 吏員九年任

吳汝選 山陰人吏員十一年任

蔣汾翰 義烏人吏員十六年任

附周默 名見田藝蘅詩不著代

明宜興縣典史五十二人

宣德時一人

劉九淵 清江人材元年任

正統時一人

朱輝 樂安人七年任

按朱昱王升志無朱輝任事年分以危山重修袁府君廟記考之其為正統間無疑而唐鶴徵志乃改為方輝又於天順六年增一朱輝註云樂城人徐階鳳志因之明史地理志無樂城名鶴徵蓋誤分一人為二也

天順時一人

蕭再陽 龍溪人六年任

成化時五人

吳福 南城人 五年任

邢旺 行唐人 十年任

梁瓚 東莞人 二十年任

宏治時二人

李賢 臨川人 九年任

正德時五人

吳璧 臨桂人 舉人 元年任

劉祖善 南海人 五年任

周茂梁 長樂人 十年任

嘉靖時九人

吳秀 中部人 十年任

郝經 二十年任

江同 攸縣人 十年任

張玉 新鄉人 十年任

楊朗 遼州人 九年任

宓綱 十六年任

項秀 十八年任

何官 四川人 二年任

姚漸磐 河南人 二年任

曹雲山 湖廣人 三年任

劉連 冠縣人 四年任

隆慶時二人

王儀 新建人 元年任

萬曆時十五人

陳景山 仁和人 三年任

方橋 山陰人 八年任

呂鳳 上虞人 二年任

方華 慈谿人 三年任

王遠 孝豐人 三年任

何其斌 江山人 五年任

陶杏 臨海人 四年任

楊文重 鄞縣人 十年任

錢棕 山陰人 十四年任

田應龍 靖安人 十二年任

焦宗清 閩縣人 吏員 二十八年任

金良賢 黃巖人 吏員 三十四年任

孔用國 平陽人 吏員 三十九年任

張文桂 湖廣人 吏員 四十七年任

天啟時三人

鄭豐 福建人 吏員 二年任

況逢春 江西人 吏員 七年任

崇禎時八人

馮瑚 山陰人 十八年任

陳夢周 福清人 吏員 二十六年任

林富材 晉江人 三十二年任

張謙 會稽人 吏員 三十七年任

侯服周 營山人 吏員 四十四年任

陳子蒙 湖廣人 吏員 四年任

柴守康 山西人 吏員 三年任

余開祿 北直人 吏員 六年任

謝永禎 浙江人 吏員 十年任

廖含光 雲南人 吏員 十五年任

舒廷羨 浙江人 吏員 五年任

王燦 浙江人 監生 八年任

陳應明 湖廣人 吏員 十三年任

沈時達 嘉興人 吏員 十七年任

明宜興縣張渚司巡檢十二人

萬曆時十人

盧穗 縉雲人 十七年任

毛懋 慈谿人 二十三年任

甯登東 醴泉人 二十九年任

魯希智 蕭山人 三十四年任

林一鵬 邵武人 二十年任

陳漸 南昌人 二十八年任

李發榮 永甯人 三十年任

沈景文 慈谿人 三十八年任

龔彥義烏人知印四十年任

丁仕德清人吏員四十三年任

天啟時一人

丁應鸞豐城人四年任

崇禎時一人

姚舜功桐廬人三十年任

明開國初宜興縣批驗茶引所大使一人

項仲實吳元年任

國朝宜興縣縣丞

順治朝五人

許鼎鉉平湖人吏員二年任

朱大倫仁和人吏員四年任

施我瑾良鄉人貢生十年任

王用益都人吏員十二年任

龔璟錢塘人吏員十六年任

康熙朝七人

宋時化會稽人吏員元年任

岳維城鄒縣人貢生四年任

熊一湘江西人貢生十七年任

張列星山東人貢生二十二年任

陳五誥廣東人拔貢二十六年任

劉朝珍遼東人貢生二十八年任

周繼祖大興人貢生五十一年任

國朝宜興縣主簿

順治朝五人

沈時達嘉興人吏員二年任

張可薦延長人吏員八年任

高金紳 臨安人貢 生十年任

謝兆龍 會稽人吏員 十四年任

張鵬南 天津衛人貢 生十七年任

康熙朝五人

董家彥 黃岡人吏員 元年任

童欽美 會稽人吏員 七年任

李培麟 三原籍通州人 吏員十一年任

邱承吉 浙江人吏員 十四年任

王嘉錫 蕭山人吏員 二十一年任

按陳玉璠府志於王嘉錫名下註云已後奉裁

國朝宜興縣典史

順治朝五人

張之龍 通州人吏員 二年任

陶希召 仁和人吏員 四年任

杜儒 宛平人吏員 十三年任

張于慶 華州人吏員 十六年任 趙錫禮張縣尉傳作

子慶

胡鉉 山陰人吏員 十八年任

康熙朝十二人

張雲翰 山陰人吏員 二年任

李國俊 榆林衛人吏員 八年任

史秉直 華州人吏員 十二年任

馬維驊 錢塘人吏員 十七年任

孫之葩 大興人吏員 十九年任

朱涵 燕山衛人吏員 二十二年任

扈昌儒 武陟人吏員 三十二年任

賈成 祥符人供事 三十六年任

黃彥奇 介休人吏員 四十九年任

唐佐 富平人吏員 四十一年任

凌沖霄 松滋人吏員 五十五年任

王佐臣 漢陽人吏員 四十八年任

國朝宜興縣張渚司巡檢六人

順治朝一人

宋穀城 大興人十四年任

康熙朝五人

任文耀 宛平人元年任

齊祖望 永年人十二年任

陸繼灝 清苑人吏員五十七年任

按陳玉璣府志巡檢表康熙二十九年宜興有姜義祖曲陽人不著何司或即張渚或為湖汶諸司

宜興縣湖汶司巡檢

康熙朝四人

李邦楫 永康人二十五年任

王臣 青縣人二十九年任

周欽璋 寶坻人三十二年任

王士晉 順天人五十八年任

宜興縣下邳司巡檢

康熙朝四人

張茂萱 昌平州人吏員二十四年任

張桂昞 大興人吏員三十三年任

王之弼 永城人吏員三十八年任

米基翰 順義人吏員五十三年任

宜興縣鍾溪司巡檢

康熙朝七人

浦嘉慶 秀水人吏員二十四年任

胡世信 永清人二十六年任

張進臣 龍門人吏員四十二年任

王國先 孝感人監生四十四年任

張之璽 甯夏衛人吏員四十九年任

郭惟都 太平人吏員五十一年任

王用楷 順義人吏員 五十八年任

[Faint bleed-through text from the reverse side of the page, including names like 王用楷 and dates like 五十八年任.]

重刊宜興縣舊志卷之五

職官志 學秩

宋宜興縣儒學學錄二人舊志缺今從徐志補入

孫廷詢 迪功郎光宗 紹熙間任 周端朝 温州人甯宗 嘉定間任

元宜興州儒學教授三人

黃玘 世祖至元二 十三年任 盧端智 州人至元二 十八年任

包植 江陰人至元 二十八年任

按袁哀送仇仁父分教溧陽兼寄張仲實詩末云西
臺公子眸炯炯陽羨三年官舍冷憑君為我致相思
行矣追尋嘯烟艇似仲實當時為宜興學官
但仲實之名與其事皆無可確考故從闕

明宜興縣儒學教諭五十七人

洪武時一人

尹範 縣人明經

永樂時三人

陳連 改作陸連

陳敏 縣人

林士敏 莆田人舉人

按朱昱成化毘陵志陳連陳敏林士敏王升志陳敏陸連林士敏徐志同嘉慶間重修邑志照朱志改陸連作陳連不為無考今據縣人陸忝植陸邦榮稟稱係陸連後裔求遵王志仍改作陸今按世俗譜牒未盡可憑但王志素稱信史改陳作陸必有依據姑照王志改註俟再考

宣德時一人

重刊丁泰亨 新城人舉人

正統時二人

邱純 貢生元年任

蘇燮 石首人舉人三年任

景泰時一人

楊敦 泰和人貢生

天順時二人

邱厚 仁和人舉人元年任

林智 莆田人舉人八年任

成化時三人

蕭仰 泰和人貢生七年任

張尹 魯山人貢生十五年任

吳偉 閩縣人舉人二十三年任

宏治時四人

戴錫 鄆縣人舉人五年任

方璽 通州人舉人十五年任

正德時二人

劉愚 嘉祥人舉人九年任

嘉靖時十五人

祁鳳毛 榮縣人舉人八年任

樊問仁 河南人舉人十七年任

張偉 資溪人舉人二十年任

劉自省 莆田人舉人二十六年任

蔣尙恩 全州人舉人三十三年任

楊清 山陰人舉人六年任

吳時俊 南海人舉人十八年任

林文聰 長樂人舉人十五年任

阮良璽 晉江人貢生十四年任

徐互 閩縣人貢生十九年任

王齊 洛陽人舉人二十三年任

曹棫 廣西人舉人二十八年任

鄧棟材 澧州人貢生三十五年任

姚東陽 潮陽人舉人四十五年任

戈止 嘉興人貢生三十八年任

卓光謨 長樂人貢生三十六年任

陳巽言 宜春人舉人四十四年任

林應騰 莆田人舉人四十五年任

隆慶時二人

張輅甫 太康人舉人二年任

萬曆時十四人

陳鳴鳳 永嘉人貢生二年任

徐大佑 黃巖人貢生十年任

金溱 龍游人貢生十六年任

汪國瑞 黟縣人舉人二十年任

余鏡 歙縣人貢生七年任

朱行 吳縣人舉人十一年任

倪莊猷 平湖人舉人十七年任

游之光 婺源人舉人二十四年任

汪一涓 涪安人貢生五年任

王學益

金壇人貢生二十八年任

王夢周

太倉人舉人三十二年任

吳登仕

河南人舉人三十五年任

鄭繼學

長洲人舉人三十八年任

區慶雲

南海人舉人四十年任

唐紹堯

武陵人舉人四十七年任

天啟時一人

馬禎峩

新繁人舉人二年任
陳玉璠府志作禎義

崇禎時六人

朱國輔

崑山人舉人元年任

楊瓊芳

句容人舉人七年任

包萬善

訓導十年攝任

熊飛

四川人舉人十年任

王明汲

金壇人舉人十三年任

陸汝孝

吳江人舉人十六年任

明宜興縣儒學訓導八十一人

洪武時一人

蔣宗儉

縣人明經

宣德時三人

羅鵠

豐城人舉人

楊述

崇德人舉人五年任

陳祥

臨海人舉人五年任

按朱昱志鵠與祥皆不書年王升志以述與祥為五年任唐鶴徵府志則併鵠皆繫之五年無可確考

正統時三人

俞山

桐鄉人舉人元年任

危山

安慶人舉人九年任

林智

莆田人舉人十三年任

按王升志謂俞山後官吏部侍郎見危志而桐鄉志無俞山為少宰者俟考

成化時九人

姚彥章 崑山人 貢生元年任

周泰 崑山人 貢生二年任

高瑤 閩縣人 貢生十一年任

李賢 定州人 貢生十五年任

孫鑰 鄞縣人 舉人二十三年任

汪賜 開化人 貢生元年任

韓子寬 富順人 貢生二年任

王縉 山陰人 貢生十二年任

宋佳 奉化人 舉人二十三年任

宏治時四人

周章 象山人 舉人六年任

應綱 永康人 貢生十四年任

徐清 江山人 舉人六年任

蕭艾 漢陽人 舉人十七年任

正德時五人

李儒 武康人 貢生元年任

黃麒 南安人 貢生八年任

宋鴻 開化人 貢生十四年任

丁鉉 鄞城人 貢生四年任

劉廷憲 黃陂人 貢生十一年任

嘉靖時十六人

任鰲 餘杭人 貢生五年任

楊熙 臨海人 貢生十一年任

陳賢傳 高安人 貢生十八年任

邢祐 閩中人 貢生二十三年任

杜允恭 易州人 貢生二十八年任

鄒葵 新淦人 貢生三十三年任

朱鵬 衡陽人 貢生六年任

李陽 南海人 貢生十四年任

胡顥 鄱陽人 貢生二十年任

范崑 古田人 貢生二十七年任

王廷臣 臨朐人 貢生三十一年任

胡子器 湯溪人 貢生三十七年任

熊琮 袁州衛人貢生 三十八年任

姜徵 嘉興人貢生 三十八年任

張霞 歸安人貢生 四十二年任

王璋 沂水人貢生 四十四年任

隆慶時四人

黃儒 新蔡人貢生 元年任

張緯 通渭人貢生 二年任

魏璽 宜城人貢生 五年任

王璋 沂水人貢生 五年復任

萬曆時二十二二人

陸震 錢塘人貢生 二年任

彭維方 莆田人貢生 三年任

金垣 晉江人貢生 八年任

秦三麟 常熟人貢生 九年任

陶景時 當塗人貢生 十三年任

陳邦略 定遠人貢生 十四年任

陳汝場 高安人貢生 十八年任

趙重道 吳江人貢生 十八年任

戴承玉 五河人貢生 二十一年任

陶謨 德陽人貢生 二十四年任

朱漢臣 吳縣人貢生 二十七年任

劉廷論 慈谿人貢生 二十九年任

王詔 懷遠人貢生 三十二年任

計思義 溧水人貢生 三十四年任

李應鏜 休甯人貢生 三十四年任

游承宗 婺源人貢生 三十五年任

沈坊 六合人貢生 三十九年任

曹森 泰興人貢生 三十九年任

范樂善 常熟人貢生 四十年任

毛文炤 長洲人貢生 四十年任

陶鎔 太倉人貢生 四十三年任

余純熙 婺源人貢生 四十四年任

楊清 應山人貢生 四十七年任

按唐鶴徵府志以計思義列江陰謂曹森為江都人徐喈鳳改之不知何據今姑從之

天啟時四人

孫文沛 歙縣人貢 生元年任
孫名吉 沛縣人貢 生二年任
霍克儉 任縣人貢 生六年任
劉謨 縣人貢 生七年任
按徐階鳳陳玉璣志皆謂謨縣人明
史地理志無頻縣名不知是何縣之誤

崇禎時九人

薛二樓 定海人貢 生二年任
金時舉 松江人貢 生四年任
徐汝塗 蘇州府人貢 生五年任
包萬善 雲南人貢 生八年任
陳文銓 常熟籍徽州人 貢生十年任
陳繼鼎 丹徒人貢生 十二年任
丁維貞 淮安人貢生 十四年任
施匪躬 無錫人貢生 十五年任
袁頡 河南人貢生 十七年任

國朝宜興縣儒學教諭

順治朝四人

江九遠 江西人貢 生二年任
陳自勵 石埭人舉 生七年任
于越 金壇人貢生 十一年任
丁允齡 如皋人貢生 十七年任

康熙朝十人

劉之勃 南通州人舉 生四年任
吳岳 吳江人舉 生十年任
何景宣 宿松人貢生 十三年任
顧智 丹徒人舉人 十五年任
楊綠 宣城人舉人 二十四年任
呂連頤 嘉定籍無錫人貢 生四十四年任
朱士楨 訓導四十 生五年任
王時憲 太倉州人舉人 四十五年任
歸梁 嘉定人舉人 四十八年任
施麟瑞 嘉定人舉人 五十二年任

雍正朝一人

盧香 如皋人舉人元年任

宜興縣儒學訓導九人

順治朝三人

李寶樹 舒城人貢生三年任

張思齊 徐州人貢生十一年任

趙之鼎 徽州人貢生十四年任

康熙朝六人

王在豐 溧水人貢生十六年任

黃曉 六安州人貢生二十七年任

蔣凝錫 蘇州府人貢生三十五年任

宋維章 舒城人貢生三十七年任

朱士楨 泰州人歲貢四十年任

孟維邃 太湖人貢生五十年任

雍正朝一人

高乾生 潁上人貢生四年任

雍正四年後新分兩邑載入後志

重刊宜興縣舊志卷之五

職官志 武秩

晉督義興諸郡軍事四人

周筵

陽羨人明帝太甯二年任

虞潭

會稽餘姚人成帝咸和二年任

王允之

瑯邪臨沂人成帝咸和三年任

謝瑗度

陳郡陽夏人安帝隆安三年任

南唐義興君山水軍十寨都虞侯一人

宋延魯

檢校官銀青光祿大夫

宋宜興巡檢一人

方允武

衢州人武學上舍高宗建炎初任

按巡檢在宋為武秩總於都巡檢聽州縣守令節制非若明代之竟隸州縣也又按朱子有贈函山前巡

檢司都巡舍人詩云古寨依山麓頽垣近水溜有兵
耕綠野無盜弄潢池歲稔村村樂官閒事事宜我來
無所餽聊遣一聯詩唐鶴徵府志載入詞翰吳絨批
徐嗜鳳志乃為補入職官但宜興在宋惟香蘭分界
二若可考至元而面亭巡檢司之
名乃見豈朱子時已有是官耶

明初宜興守禦二人

楊國興 定遠人 戊戌年任

耿再成 五河人 戊戌年任

宜興守禦千戶所正千戶三人

師璠 鳳陽人

湯起宗 全椒人 假千戶攝任

湯旺 鳳陽人 義兵頭目

宜興守禦千戶所鎮撫一人

童復 攸縣人

宜興守禦千戶所百戶三人

趙民聚 定遠人

朱谷 鳳陽人

鄭昭 壽州人 以上皆洪武初年任

宜興守備一人

楊大相 貴州人 練兵官 崇禎六年任

國朝宜興營守備

順治朝六人

謝皇恩 郝縣人 遊擊 二年任

李潛龍 聊城人 六年任

楊彩 安平人 武進士 九年任

范起順 河南人 十二年任

黃德興 嘉定人 武進士 十七年任

鄧麟全 荊州府人 十八年任

宜興城守營守備

康熙朝十人

李森

宣府籍紹興人
武舉五年任

邵雲從

山海籍浦江人
十年任

張國威

延安人
行伍

鄭徽

兗州人
武舉八年任

王極

池州人
武舉

范丕顯

大名
武進士
十二年任

倪崇儉

合肥人
武進士
四十年任

吳文

江陵人
行伍
四十年任

展上達

天津人
行伍
五十二年任

孫學禮

大興人
行伍
五十九年任

雍正朝一人

趙弼璽

大同人
武舉
二年任

太湖水師右營守備

雍正朝一人

何仕乾

二年任

水師右營右哨把總

雍正朝一人

王子盛

行伍
二年任

雍正四年後新分兩邑載入後志

重刊宜興縣舊志卷之五

職官志

爵秩

後世封爵與古諸侯不同衣租食稅而已非政令之所寄也咸淳毘陵志有封統一目朱昱王升唐鶴徵徐喈鳳等志因之置諸官師志之首輕重失宜矣今別為一卷次職官末於前志之誤者正之使後人有所考據焉

漢陽羨侯三人

靈常

以荆令尹漢五年初從擊鍾離昧及陳公利幾徙為漢中大夫從至陳取韓信遷中尉以擊布

功侯

二千戶高祖十二年十月壬寅封在位十四年薨諡曰定

靈賀

常子高后七年嗣在位八年薨諡曰共

靈勝

賀子文帝七年嗣在位六年薨諡曰哀亡

後

按史記功臣侯表作陽義徐廣曰一作羨索隱曰縣屬宜陽漢表義作羨羨與義或當時傳寫有訛今以前漢表為據

山亭鄉侯二人

蔣澄

蔣休 澄子襲封

陽羨西亭侯一人

蔣通

澄子

按山亭鄉侯碑祇言嗣子休襲封咸淳毘陵志於澄傳云澄五子孟東亭侯通陽羨西亭侯休襲父封於蔣默傳云封為雲陽亭侯其封統內列澄通休三人而不及默與孟王志乃於雲陽東亭上各增陽羨二字并默子何封邵陵侯俱載入封統雲陽今丹陽地東亭不可考然咸淳志既別西亭為陽羨則東亭非

吳陽羨侯一人

陽羨可知封統但當載封於此地者而更載邵陵侯何以稱焉今依咸淳志止載三人

孫邵

北海人黃武初封

按咸淳毘陵志載孫紹封吳侯註云策子又載孫邵為相封陽羨侯而誤書邵為紹朱昱因之至王志遂合二人為一書云孫紹策子封陽羨侯唐鶴徵徐階鳳陳玉璣等志因之吳志孫策傳末曰封子紹為吳侯後改封上虞侯孫權傳黃武四年夏五月丞相孫邵卒吳錄曰邵字長緒北海人長八尺為孔融功曹融稱曰廊廟才也拜廬江太守遷車騎長史黃武初為丞相威遠將軍封陽羨侯年六十三卒是邵與紹且非一族何前志俱未之考耶

晉漳浦亭侯一人

周札

按史漳浦上無邑名而咸濱毘陵志古跡卷謂宜興有漳浦亭在縣西二十五里晉以封札今姑從之

永世縣侯一人

錢廣 長城人以平陳敏功追贈

宋綏安縣侯一人

武念 新野人泰始二年追封食邑四百戶

義興長公主一人

武帝女 名惠媛諡曰恭

陽羨公主一人

明帝女 適王儉

齊義興公主一人

高帝女 適沈文和

按齊高帝以長女妻沈攸之第三子在宋景和世至昇明二年攸之敗公主已早薨時高帝猶為領軍其稱義興公主當是踐阼後追封故入之齊文獻通考書為獻公主與宋書南史不同齊書高帝紀又謂攸之第三子名元和未之孰是今從宋書

梁義興長公主一人

武帝妹 名令嫺適王琳諡曰昭

義興郡公三人

陳武帝霸先 長城人太平元年封 陳文讚 武帝父太平元年追封諡曰恭

陳道談 武帝兄紹泰二年追封諡曰昭烈

義興國夫人一人

章氏 陳武帝后太平二年正月甲寅拜

義興國太夫人一人

張氏 陳武帝母太平二年正月丁卯追封諡日宣

陳義興公主一人

文帝女 適錢肅

唐義興王一人

李重俊 中宗太子聖歷二年封諡日節愍

義興郡公三人

李皓 高祖孫 李道彥 宗室武德初封

高儉 字士廉以字顯齊清河王岳之孫武德間封諡日文獻

義興縣公一人

蔣又

按王升徐喈鳳二志作蔣義

義興縣子一人

蔣儼

明宜興公主一人

英宗女 下嫁馬誠

按王升徐喈鳳唐鶴徵等志載有晉史韶交州屬國都尉豫章太守封陽羨侯各志載有梁蕭泰蕭寶封義興郡公周杜杲封義興縣公吳紱批徐喈鳳志又補有漢劉賈封荆王後梁蕭獻封義興王但史韶不見於史所云屬國都尉乃漢官晉無此稱泰寶杲見於北周書陳書北史等書其時義興屬陳而泰寶

重刊宜興縣舊志卷之五
三
杲獻四人受周隋之封特虛名耳至於劉賈封荆王
其地兼故東陽郡鄣郡吳郡五十三縣似不當於邑
志載之故
皆不列

英宗文

宜興公主一人

蘇淵

非與縣守一人

重刊宜興縣舊志卷之五

職官志 守令
名宦

袁玘東漢陽羨長始造長橋以利涉邑人為立廟歲時祠
祀不絕或曰玘能逆知水旱俾民預備卒葬君山巔石塚

蓋天成云 參節咸清毘陵志 王
升舊志 唐鶴徵府志

賀循字彥先晉陽羨令以寬惠為本不求課最 參節
晉書

劉超字世瑜晉明帝時義興太守後遷射聲校尉時軍校
無兵義興人多隨之超因統其眾以宿衛號君子營蘇峻
之亂朝士多遣家人入東避難義興故吏欲迎超家而超
不聽盡以其妻孥入處宮內 參節
晉書

按超政績無考史紀其遷任之後郡人多隨之遭亂之時故吏欲迎其家二事則其遺澤在人可見故補為之傳

王球字倩玉宋義興太守在郡有寬惠之美參節宋書

傅隆字伯祚宋義興太守在郡有能名參節宋書

劉損字子騫宋義興太守東土殘饑太祖遣揚州治中沈

演之東入賑卹以損撫綏有方稱為良守參節宋書

王琨宋義興太守以廉約稱參齊書南史

王儉字仲寶宋義興太守梁任昉嘗敘其文集云風化之

美奏課為最節朱昱毘陵志參唐鶴徵府志

庾深之宋義興太守以善政聞節南史

劉秀之字道寶宋陽羨令著能名參節宋書

巢邃宋綏安令孔顛之亂惟邃秉節不移不受偽爵參節宋書

謝朏字敬冲齊義興太守在郡不省雜事悉付綱紀曰吾

不能作主者吏但能作太守耳參節梁書

按朏政無可觀朱昱毘陵志節梁書語入宦績王升不為入名宦傳而載其語于職官內朏名下徐階鳳志因之今名宦祠所祀者袁玘之後即繼以朏故為補入

張充字延符齊義興太守為政清靜民吏便之參節梁書

孔道齊陽羨令王績為義興太守錄郡吏陳伯喜付陽羨

獄欲殺之道不知何罪不受績教參節齊書

任昉字彥昇梁義興太守歲荒以私奉米豆為粥活三千

餘人時產子者多不舉昉嚴其禁孕者供其資費濟者千室在郡所得公田奉秩八百餘石昉五分督一餘悉原之兒妾食麥而已及被代登舟止有絹七匹米五石至都無衣鎮軍將軍沈約遺裙衫迎之參節南史

陸杲字明霞梁義興太守在郡寬惠為民下所稱參節梁書褚翔字世舉梁義興太守在郡潔已省煩苛去浮費百姓安之郡之西亭有古樹積年枯死翔至郡忽更生枝葉百姓咸以為善政所感及秩滿吏民詣闕請留之敕許焉尋徵為吏部郎去郡百姓無老少追送出郡涕泣拜辭參節梁書劉潛字孝儀梁陽羨令甚有稱績參節梁書

劉杳字士深梁臨津令有善績秩滿縣人三百餘人詣闕請留敕許焉參節梁書

蕭濟陳天嘉中守陽羨臨津所在皆著聲績陳高祖鎮京口時以為明威將軍文帝即位後歷三部尚書參節陳書

徐延休字德文唐天祐中為義興令勤恤民事初郡守多遣小吏循縣為民患延休箠而遣之刺史服其剛正貽書謝過參節成涪昆陵志

楊廷式南唐義興令以清苦為政民甚安之參節成涪昆陵志李處裕南唐義興令從王茂章拔青州為軍鋒與梁苦戰被執朱全忠欲釋之處裕請死不得瞋目大罵乃被害參節

朱昱毘陵志

李若谷字子淵宋景德間知縣事時官市湖汶茶歲約戶稅為多少率取足貧下若谷始置籍備勾檢茶惡者舊沒官若谷使歸之民許轉買以償其數

參節宋史

王罕字師言以蔭知宜興縣縣多湖田歲訴水輕重失其平罕躬至田處列高下為圖明年訴牒至按圖示之某戶可免某戶不可免眾皆服范仲淹在潤奏下其式於諸道西方用兵仍年科箭羽于東南價湧貴富室至豫儲以待鬻罕白郡守倍其直市之而令民輸錢旁州聞之皆願如

常州法

節宋史

司馬旦字伯康嘉祐中知宜興縣民多鬻訟旦每獄必窮根株痛繩之校繫縣門民稍以詆冒為恥長橋壞廢旦勸民修葺不勞而成時王安石守常州開運河調夫諸縣旦言役大而亟民有不勝請令諸縣歲遞一役雖緩必成安石不聽秋大霖雨民苦之多自經死役竟罷

參節宋史

樓閱治平間知宜興縣有能名濬治陂塘溉田甚廣在任累轉屯田員外郎作有經理邑事總記

參朱昱毘陵志咸淳志

褚理元豐間知宜興縣長橋燬于火民病涉者三年理至鼎新之易木以石名曰忻濟後蜀郡蘇軾大書其榜曰晉平西將軍周孝侯斬蛟之橋

參節唐鶴徵府志

高商老紹興中知宜興縣修學校豐士廩穿故瀆疏積水
建社倉十一區于開寶諸鄉是歲浙西饑流殍載途宜興
民獨賴以安

參唐鶴徵府志
朱子文集

戴桷嘉定間知宜興縣興學愛民卓有美績

節王升
舊志

趙與哲寶慶中知宜興縣修舉廢墜邑人稱之時境內多
虎患與哲至悉殲之金壇劉宰為賦殺虎行曰君不見陽
羨周將軍射殺南山白額虎千古萬古流聲聞又不見宜
興趙大夫南山三十有六虎令行殺取無復餘一虎昔何
少三十六虎今何多虎多人不患所患政之苛苛政滅人
門猛虎戕人命擇禍莫若輕泰山之人論已定大夫性高

明下令走風雨所知在田里了不見臺府既令民免政之
虎又與民除虎之苦四境之民歌且舞或云殺虎太傷和
胡不令渠自渡河我聞此言笑且呵大夫憂民憂豈必限
吾土不然隣國以為壑信也白圭愈於禹古陽羨今宜興
大夫邑之主將軍邑之賓主賓多寡事不同千古萬古同

清芬

參節唐鶴徵府
志漫塘詩鈔

趙彥倓字安卿由平江推官攝宜興縣縣自中興後豫借
民明年稅民挾此得慢其令彥倓請禁預借邑遂易治

節宋史

辛思仁元宜興知縣潔已愛民浚溝渠修長橋多著美績

參節朱昱 毘陵志

謝德清明洪武初宜興知縣以學宮累遭兵燹度地經始

又立西南北三壇建常平倉人稱其識治體參節唐鶴徵府志

遠鄉評備考

周賓洪武間宜興知縣蒞政八載廉潔無私吏民畏服參節

王升舊志

劉深永樂初宜興知縣蒞政九年為治有方聲聞隣邑後

疾卒民哀思之節王升舊志參

楊宣永樂間宜興知縣性行純謹廉而有為百姓服之節王升舊志

升舊志

范載昌宣德初宜興知縣熟于律法在任廉幹民皆畏服

節王升舊志

章惟澄宣德間宜興知縣在任六年除革奸弊豪強屏迹

小民德之節王升舊志參

鄒旦字孟旭正統間宜興知縣修舉廢墜撫恤困窮嘗捐

貲市地拓新廟學又置義阡收露芻在任蓋凡十年云節王升舊志

升舊志參唐鶴徵府志

宗顯景泰間宜興知縣公廉仁愛綜理周密百姓懷之節王升舊志

升舊志

謝庭桂字時芳成化間以本府同知攝宜興縣縣舊有先

賢祠久廢庭桂間於知府龍晉謂鄉賢禮所應祀乃撤學
旁廢祠改作之不取民財不勞民力上下胥悅 參王升志
謙齋文

錄 楊懷遠
鄉評備考

何鑑字世光成化間宜興知縣廉公有威甫下車訪知攬
運貢茶二事為民厲亟請便宜區處又罷催徵火甲之擾
逾年邑大治一日村老數百人捧茗蔬五束茶少許詣庭
下拜曰吾儕小人不識官府自公下車夜不吠犬人安寢
食故來見時有通判至縣欲召問之眾曰我輩為何尹來
他不願見也後累官兵部尚書 節鄉評備考
參王升舊志
沈振字克成成化間宜興知縣蒞政勤敏歿于官民哀之

節王升
舊志

袁道字德純成化間宜興知縣民苦西沆風波之險乃循
沆南鑿夾河自土干村至泝泖延袤三十餘里舟行便之
名曰後袁河謂與漢陽羨長玘同功也嘉靖間祀名宦 參節

王升舊志 唐鶴徵府志 王
鈴名宦祠碑記 鄉評備考

王鏐字子鋒宏治間宜興知縣蒞政嚴明興學勸農百廢
具舉時太湖盜發剽劫焚慘鏐聚眾悉力備禦訪宋元水
寨遺址立堡三十建警樓十二楹募丁壯三千更番守之
寇至則鳴桴合勦去則歸農兵不知勞盜不入境民得安

堵 參節唐鶴
徵府志

鍾卿密字宣猷正德間宜興知縣節用愛民以治最召為

御史節王升舊志

劉秉仁字思孝正德間宜興知縣治崇簡靜民信服之陞錦衣衛經歷去之日行李蕭然時通判傅朝適至縣見之歎曰昔趙清獻尙有一琴一鶴今劉公乃併無之也參節王升

舊志

何棟字伯值嘉靖初以御史謫宜興知縣先聲懾人置一

豪右于法遠近帖服後累官兵部尙書參節唐鶴徵府志

丁謹字惟安嘉靖間宜興知縣廉潔愛民以興利除弊為

己任嘗念宜興稅糧之重于嘉靖七年因入覲具奏疏畧見田

賦志疏入得旨下戶部行勘乃以本府轄下餘米補豁武進

宜興糧額得減三之一民歌之曰我赤立兮孰授我以廣

衣衣則有敝兮侯之庇我無改為我枵腹兮孰飼我以舖

糜糜則有竭兮侯之恩我無窮期又歌曰粟粒衣縷兮維

侯之遺匪侯之遺天王尸之後卒于官邑人為立碑于迎

恩亭二十八年與前令袁道同祀名宦參王升舊志名宦傳楊懷遠鄉評

備考

管見嘉靖間以本府推官攝宜興縣搜奸剔逋而按法平

允民犯輕罪者令入金贖以罰緩鬻民田六十畝為學田

縣有學田自此始參節鄉評備考王升志學校卷

守令名宦

彭簪嘉靖間以本府通判攝宜興知縣多善政里甲供歲例金革去之曰祿外私一錢不可也或謂恐病來者簪曰吾知白盡耳來者賢必不我咎其或不賢吾又安能為之地乎

參節唐鶴徵府志

趙國良字邦遂嘉靖間以兵科給事中謫宜興知縣禮士

愛民甫半載遷任去

參節王升舊志

馮惟訥字汝言嘉靖間宜興知縣嘗患東沆風波險惡開

濬通澤河十餘里舟行者感之

參節王升舊志

方逢時字兆行嘉靖間宜興知縣年甫十九精敏練達剖決如流老吏不能及值歲旱徵輸賑貸調度咸宜民用安

堵縣東北張公壩地勢高亢故有河歲久湮廢罹旱災尤

甚逢時躬往規畫南起萬石村北訖黃土村中隔六壩悉

濬成渠於壩址各為梁以利涉其為役計戶派夫計丁給

米興水利而陰寓救荒之策後累官兵部尚書

節鄉評備考參王

志

王鈴字子才嘉靖間宜興知縣豈弟愛民操持清介入覲

時囊篋蕭然行資取辦於家會御史有嗟之者中以他事

調任去後歷官山東僉事

節唐鶴徵府志參王升舊志

李郁嘉靖間宜興知縣治崇簡易節用愛人遷戶部主事

參節王升舊志

董鯤嘉靖間宜興知縣臨下有威人不敢犯時倭寇竊發

鯤備禦甚力建敵臺五座於城上旋以治最召除御史

參鄉

評備考
王升舊志

李江字汝貢嘉靖末宜興知縣居官廉平聽訟不限期日

隨時剖斷天沍寒西沆冰卒合行舟凍阻爨火俱絕人多

僵仆江戒夫役以數小舟束葦燃火救之餉以粥糜困者

得蘇在任二年擢御史後歷官刑部侍郎

參王升舊志
唐鶴徵府志

鄉評
備考

韓容隆慶末宜興知縣性嚴毅不輕假人辭色而崇學校

舉頽敝抑豪強動愜民心俗以五月二十日為城隍誕用

香燭酒脯鼓樂祀之嘉靖末更募人裝神像喧闐街市容

至乃禁止焉

節鄉評備考
參王升舊志

宋國相萬厯初以如皋知縣改宜興廉慎平易未久以憂

去士民惜之

參節王
升舊志

黃道瞻字臨汝萬厯間宜興知縣為政以敦教化正風俗

為務質訟讞情無枉者鞭朴幾不用自奉廉約嘗盛夏有

鄉人至即以己帷帳供客而白露臥與話舊以性鯁直不

為上官所喜餘姚孫鑛掌選乃破格選入兵科未幾言事

被謫人稱為良有司名諫議云

參節唐鶴徵府志
王升舊志
陳玉璣府志

梁銓字叔衡萬厯間宜興知縣節用省刑而於庶務剖決

無滯催科法簡民稅易輸在任二年瑞麥兩見參王升舊志

陳遴璋字玉甫萬歷間宜興知縣修學校優厚士類連歲

遇旱疫悉心惠濟民賴以安時邑志久不輯遴璋延邑人

王升載筆有成書焉參王升志學校卷鄉評備考

秦尙明字湛若萬歷間宜興知縣以興利革害為已任執

法嚴雖士大夫親族有犯不少恕及審圖運令凡寄莊悉

照本邑居民不得優免時稱其才如利刃守比清冰云參唐

鶴徵府志

王以甯字咸所萬歷間宜興知縣縣田地高下紊錯戶役

不均以甯用千字文編為圖號以次清丈分平高低塘灘

蕩山竹茶地為六則條分縷析如指諸掌參節徐嗜鳳舊志

喻致知字養微萬歷間宜興知縣以循良自期清賦稅懲

奸宄弭盜賊嘗建明道書院為士紳講習地又倡建承雲

塔於縣治東南山麓參唐鶴徵府志徐嗜鳳舊志

劉永基字時倩又字止庵萬歷間宜興知縣未第時嘗從

師至宜興芙蓉山中講學及為令發奸摘伏興利革弊不

畏強禦三月而政聲大著人比之程子之在晉城陸子之

於荆門云旋以憂去邑人築望來臺思之參徐嗜鳳舊志亦為堂集

蔣英萬歷末宜興知縣崇禎六年宜興民變英時分巡蘇

松坐事貶秩未行上官以英先治宜興得民心檄之撫治

英單騎至宜懲豪家僮客數人令亂民自獻其首惡亂遂定

饒京字黃山天啟間宜興知縣聽斷明敏操守清謹後歷

官巡按御史參節徐階鳳舊志

石確字景雲崇禎間由丹徒知縣調任宜興時宜興民變

初定確先聲所至羣不逞望風膽落確廉其渠惡次第除

之乃均賦役興文學理冤滯蠲贖緩隣境震於寇警確不

動聲色陰為固圉制勝之策未嘗役一人斂一錢後以憂

去邑人為立德政碑參節蔣允儀澹香居士集

李覺先字天子崇禎間宜興知縣民間田畝出入戶名久

而遞訛有虛田漏糧兩患覺先令用抄號推收積弊一清

未幾卒於官民哀思之參節徐階鳳舊志

王勸順治間宜興知縣時鼎革未久宜興寇盜竊發而西

南為甚勸下令招撫有賊首三人投誠復亂勸密擒之斬

於市邑境乃安參節徐階鳳舊志

吳一鯤順治間宜興知縣不畏強禦民愛戴之節鄉評備考

高標字玉立康熙間宜興知縣為政數月百里內無博場

諸博戲具不驚於市拳勇游食無狀之人不闕於途城鄉

無跨街演劇者寺觀無婦女迹女巫淫祀絕蹤夜輒從數

役巡及郊外人人憚畏莫敢為非旋被誣劾或曰勢要者

嗾之或曰知府王某所搆

參節儲欣在陸草堂文集 徐嗜鳳舊志

張含瑾字荆涵康熙間宜興知縣時值大旱饑民聚山中謀出掠張渚巡檢報縣或議發兵勦之含瑾曰此不過饑所驅耳擒其首數人眾解散獲名冊一本付之火旋設法賑濟四境以甯

參節鄉評備考

姚景崇字又元康熙間宜興知縣時年甚少聰明絕人值大旱後烟火斷絕餓莩塞途景崇請於上官停徵賦四鄉以賊告者訊實即荷重校發本鄉不斃不止盜無留種民皆感悅

參節儲欣在陸草堂文集

李先榮字翼南康熙間宜興知縣才敏守堅民安吏肅百

廢漸興邑志久不修前令史宗堯延吳晉剡陳維崧任源

祥輩修之為無賴子所闕功弗成後令蔡司霑屬徐嗜鳳

掇拾舊稿成書至先榮蒞任乃授梓焉

參徐嗜鳳舊志序鄉評備考

文超靈字挺叔康熙間宜興知縣始蒞任時富商有訟一

吏伺燕居挾重賄進卻之詰朝呼至痛撻革其役諸吏股

慄終任無敢作奸者接紳士辭氣温下惟恐人不盡言及

于以非義則張目不答錢穀出入之數月造印冊期於朝

罷夕行在任五年以遠年漕項負課降調邑人數千走控

上官約以七日清逋課不三日攝篆者至事用弗集邑人

為立碑記德

參節儲欣在陸草堂文集

重刊宜興縣志 卷五 三
蔣尙緝康熙間宜興知縣治尙寬厚在任日久民咸樂業焉

耿起鳳康熙間以句容丞攝宜興知縣洞悉民情務爲休息紳士以薄禮相餽亦卻不受人稱其清操如水愛民如子參節鄉評備考在任不及百日去民號泣攀送

陳智先康熙間宜興知縣謹身寡過不以苛察爲能趙祁康熙間宜興知縣具有吏才人稱爲剛不吐柔不茹

云

鮑楹康熙末宜興知縣喜培植士類尤拳拳於民間風俗敦淳樸以救囂凌凡世家子弟咸率其教焉參蔣汝誠邑志偶抄

唐書常州刺史李栖筠捕斬陽羨西山宿賊里無犬吠明史常州守莫愚請減宜興歲進茶數儲掌文雲溪文集載 國初監軍張鍵字一清陝西人因力護宜興城自殺城得全邑人祀之或曰鍵山東人或曰名斌以非本邑職官事亦不詳故不爲傳

小...
 自...
 東...
 西...
 南...
 北...

重刊宜興縣舊志卷之五

八言... 大夫...

職官志

僚屬名宦

唐嚴挺之名浚以字行神龍初義興尉號材吏姚崇為常

州刺史深器異之及崇再入為中書令引為右拾遺參舊唐書

新唐書 宋洪憫鄱陽人丞相适之孫嘉定間宜興縣丞嘗攝令事

修舉廢墜葺周孝侯廟清其墓之侵地植松杉萬本參節唐鶴

徵府志 朱倬字漢章閩縣人紹興初宜興主簿金將犯邊居民求

避地倬為具舟給食眾賴以濟未幾民告澇於郡郡檄倬

僚屬名宦

考實乃除田租什九守竟不能奪後以張浚薦歷官同平

章事參節宋史

阮洪嘉祐間宜興尉深明水利時吳中值水患洪屢上書

監司乞開百瀆得請遂疏導四十九瀆其年大稔又上言

請就長橋東市中創一橋使運河南通荆溪既鑿得泥中

舊柱乃知昔人已曾設橋於其地參節王升舊志唐鶴徵府志

趙不衰字夢周宋太宗六世孫年甫冠調監常州宜興縣

稅是時寇難未夷道路艱棘不衰治征算不以苛噉為事

往來便之在官獨居一室日以讀書鼓琴為事同僚莫測

其所為至使人陰伺之已乃信服累官至武經大夫參節朱子

文集

孫子秀字元實由吳縣主簿辟淮東總領所中酒庫檄督

宜興縣圍田租既還白水災總領恚曰軍餉所關而敢若

此獨不為身計乎子秀曰何敢為身計甯罪去爾力爭之

遂免景定初以浙西提點刑獄兼知常州節宋史參朱昱毘陵志

明鄧躍字九淵宣德間宜興縣丞佐理有方吏民畏服參王

升舊志

包用達宣德間宜興縣丞佐理得宜擢徐州判官參王升舊志

鄒倫正統間宜興縣丞任滿考績入都邑人王晏作父老

行送之有曰官長前年始下車教化吾民苛政除門靜鄉

無叫囂吏婦女育蠶男讀書官長今年朝闕去田辟荒蕪
戶增數利澤於人惠有餘往者紛紜奚足慕又云京華得
意看春色還作吾邦父母來後倫致仕遂家於宜興參王升舊志

志沈敕荆溪外紀
楊懷遠鄉評備考

李暉字鳳儀正統間宜興縣丞縣東水關橋因風浪衝激
屢修屢壞暉乃築長堤障之而患以紓邑人名其堤曰李
公堤又嘗偕令鄒旦修城隍廟袁府君廟周孝侯廟皆著

勞績參王升舊志輿地卷秩祀卷

魏玉公安人正德間宜興縣丞廉潔幹敏吏民懷服南京
工部尙書秦金特薦之參王升舊志

許穆樂平人洪武初宜興主簿工於詩佐理有聲百姓欣
戴秩滿去父老遮留之節朱昱毘陵志

郭獻洪武間宜興主簿以賢能著績邑人稱頌參王升舊志

王復春洪武間宜興主簿太祖聞其守公不奉上遣吏科
庶吉士齋手勅往勞慰卽擢爲同知參節春明錄

江山遼東人嘉靖末宜興主簿持身清苦卒之日至無以
殮典史劉連訓導張霞捐貲助之節王升舊志

劉九淵清江人宣德時以州同謫宜興典史性公直能知
民利病數請興革後致仕去邑人思之參節王升舊志唐鶴徵府志

國朝張子慶字雲齊順治間宜興典史時流寇餘孽未靖

有劇賊號赤腳張三能與其妾使連環火鎗白日劫擄莫之敢撓子慶捕之賊列舟陳兵於西沆子慶冒死搏戰為火鎗所中墮水死賊乃逸去邑人感之葬之西沆之滸節參

趙錫禮張縣尉傳

宋時化康熙初宜興縣丞時有殷二者號二郎神殺人而姦據其妻事覺或欲寬之時化堅執申詳上官立寘諸法

一邑稱快後遷山西陽曲知縣參徐階鳳舊志

王佐臣康熙間宜興典史蒞任匝月安善鋤強廉能之聲聞於遠邇佐臣生朝自縉紳暨乞丐皆為稱觴市民有談八者屢犯法佐臣置之獄失令意而宜興民謂佐臣廉且

惠相約日給米薪蔬菜佐臣辭不獲受二日令指為罪巡撫張伯行廉得之調佐臣給事軍門一日多官請謁伯行獨問誰為宜興王典史因語眾官曰官無大小在得民心如佐臣者公等當以為法會有想談八於軍門者伯行下佐臣勘問令求見其牘不得遂誣申佐臣誤刑平民致死伯行委吳縣令檢驗無實佐臣離任士民控軍門懇留仍爭出薪水給之節楊懷遠鄉評備考

重刊宜興縣舊志卷之五

職官志 學秩名宦

元黃玘至元閒宜興州教授克修學政 參王升舊志唐鶴徵府志

盧端智至元閒宜興州教授訓誨有方 參王升舊志唐鶴徵府志

包植至元閒宜興州教授啟迪士子多著成效

明尹範洪武初宜興教諭善施教 參節王升舊志

陳敏永樂閒宜興教諭教人亶亶不倦後遷給事中 參王升舊志

志

林士敏莆田人永樂閒以大理卿謫宜興教諭清儉自持勤於啟迪去任後邑人士稱頌不衰 參節王升舊志

丁泰亨新城人宣德閒宜興教諭明飭條教師道尊嚴蔚有賢聲後擢御史參節唐鶴徵府志

羅鵠宣德閒宜興訓導教規整飭嘗偕知縣章惟澄建明倫堂後遷監察御史參節王升舊志

楊述宣德閒宜興訓導治尚書義最精弟子受業者多所造就參王升宜興縣志

林智字若濬莆田人正統閒宜興訓導條約整肅味爽輒秉燭登堂誦經書為諸生倡講學論文無閒寒暑士習為之一新以內艱去任服闋再除本邑教諭士子欣躍趨迎文教彌振提學御史陳選舉智自代吏部不允遷知縣改

蘇州教授三應聘為考官所取多名士參節唐鶴徵府志謙齊文錄

俞山正統初宜興訓導德器厚重條教詳明後歷官吏部

右侍郎參節王升舊志

宋佳字子美奉化人成化末宜興訓導事母以孝聞於諸生訓誨肫摯夜籠燭循行號舍聞讀書聲必食以茶餅情者詰責之後為國子監丞時宜邑門生杭濟杭淮並以進士居邸署每見必名之蓋以師道自任也參節王升舊志唐鶴徵府志

應綱永康人宏治閒宜興訓導家居時以孝名及教人亦首以為重參節唐鶴徵府志

宋鴻開化人正德閒宜興訓導精易學尤長於詩文其教

有成規言不妄發卒於學舍門下士無不流涕者嘉靖閒

知縣王鈴建名宦祠並祀鴻焉

參王升舊志 唐鶴徵府志

阮良璽嘉靖閒宜興教諭以博學知禮稱

參王升舊志

張偉嘉靖閒宜興教諭寬裕以教廉儉自持後遷南京國

子監助教

參王升舊志

劉自省莆田人嘉靖閒宜興教諭潛心問學啟迪後進於

利淡然無營遷南京國子監學正

參唐鶴徵府志

邢鳳毛榮縣人嘉靖閒宜興教諭束諸生以嚴厲月三試

之校閱精詳遷推官未任卒

參節王升舊志

卓光謨嘉靖閒宜興教諭寬和善教諸生中貧者有所餽

悉却不受後遷慶遠府教授

參王升舊志

陳巽言宜春人嘉靖閒宜興教諭方正自持取子不苟遷

上杭知縣

參節王升舊志

林應騰莆田人嘉靖末宜興教諭制行端方不拘拘於科

條之設而師道自立後遷歸善知縣

參節王升舊志

王夢周字堅吾萬厯閒宜興教諭時學政圯甚夢周力振

之首立思過簿曰諸生吾弟子也而乃數勤縣大夫吾今

與若約非公事勿至縣有欲言者吾代為言戒而勿聽即

吾不能為諸生師且閉閣思吾過矣於是諸生皆歛足自

守縣庭為之一清月兩會藝手自校閱窮日夜食不過蔬

菜曰此吾苜蓿家風也諸生以修脯來者畱與其飽其貧者却勿受閒有所誨責屬其父兄施夏楚勿辱於隸人卒於署不能喪諸生殯之及櫬歸諸生哭送至澣墅關而返

參節王衡
維山集

吳登仕字信予河南人萬厯閒宜興教諭嘗出俸金百兩置祭田三十五畝邑人士德之祀名宦祠

參節徐階
鳳舊志

楊瓊芳崇禎閒宜興教諭端嚴有守時諸生沃育麟為勢家陷入盜黨令知其冤不能直瓊芳力爭謂無罪殺士傷國體將聞諸巡按御史不則解印綬去令不得已乃縱育

麟瓊芳後登崇禎十三年會元

參節楊懷遠
鄉評備考

國朝丁允齡字孩修順治閒宜興教諭時學宮頽圯允齡

竭力募修兼增置籩豆又出俸金置五經四書及綱目諸

書資諸生講習

參節徐階鳳舊志
楊懷遠鄉評備考

顧智字季貞康熙閒宜興教諭才學兼優勤於課士時學宮久圯智肩為己任行籌坐畫不遺餘力丹堊棖壁悉手指口授閱八年乃告成焉

參節振修學記
蔣永修
修學記
徐階鳳舊志

楊綠字弭居康熙閒宜興教諭在任十九年廉以持身恕以接物專務德化時啟聖祠圯聖廟兩楹亦潛蠹邑人士請於當事計畝勸輸綠董其事矢公矢慎工竣以憂歸人咸思其績焉

參節潘宗
洛修學記

王在豐康熙閒宜興訓導厚重有師範與教諭顧智協力
修學復各出俸金修署不以煩公力

參徐階鳳舊志
蔣永修修學記

重刊宜興縣舊志卷之五

職官志 武秩
名宦

晉王允之字深猷蘇峻反允之行揚烈將軍擊退賊將韓
晃陶侃至京以允之督護吳郡義興晉陵三郡征討軍事
晃等南走允之追躡於長塘西復大破之賊平以功封番
禺縣侯邑千六百戶後歷官衛將軍會稽內史卒諡曰忠
參節 晉書
謝瑗度徐州刺史值孫恩作亂加督吳興義興二郡軍事
討恩至義興斬賊許允之迎太守魏鄢還郡又與劉牢之
俱討孫恩恩逃於海島朝廷憂之以瑗度為會稽內史都

督五郡軍事本官如故後遇害諡曰忠肅

參節晉書

明楊國興初名元避諱改國興濠州定遠人年十七與父勝從明太祖為帳前先鋒勝早卒國興領兵從征甲午六月扈從渡江拔采石取太平元將陳桡先突犯城國興從徐達擊敗之擒桡先丙申三月從破方山陳兆先陸若進克金陵及鎮江遂下金壇收廣德是年冬從徐達圍常州擊青軍解牛塘之厄戊戌秋從攻宜興不下以兵東截太湖絕其餉道城內乏食遂克陞右翼元帥時張士誠據姑蘇重兵皆屯舊館國興率精銳趨湖州直抵舊館生擒其弟士信陞總制大元帥時常州人陳保二聚眾號黃包軍

既降復叛國興誘詹李二將執斬之宜興堰居民楊氏聚眾結三十六寨國興破之誅其首惡餘黨勿問一方以平上令總督十元帥兵鎮其地歸者月以千計勞來安集咸得其所辛丑士誠大舉入寇水陸並進國興親冒矢石士卒咸奮敵兵大敗士誠僅與偽將數人遁上嘉其功陞昭勇將軍神武衛指揮使丙午十一月圍蘇州攻閭門丁未正月十八日因中流矢卒年三十二柩還建業賜葬鳳臺門東洪武初以國興嘗鎮宜興有功其民勅封宜興城隍廟食百世國興剛正驍勇所乘千人皆廢兼通文學嘗調兵援長興入見太祖勞之曰長興賴卿相援對曰唇齒之

地理固當然臣聞趙有廉藺強秦不敢加兵但臣辱懦愧弗及耳上悅曰卿之學問近亦進矣善楷書遺墨猶存其鎮宜興舍煦生育如父母識者比之羊祜云

節明史 參王志徐志

按王升志引開國功臣錄云洪武初以國興嘗鎮宜興勅封宜興城隍顯佑伯唐志徐志因之今考明史禮志洪武二年封天下城隍為王公侯伯三年即詔去封號止稱某府州縣城隍之神豈二年所封三年停止耶然以國興之鎮宜興惠及百姓則廟食也固宜

師璠鳳陽人洪武初宜興守禦千戶得軍民心後遷六安指揮邑人脫所著靴以誌愛

參王升舊志

湯起宗字紹文洪武初以假千戶守禦宜興有功授中都

畱守左衛百戶

節唐鶴徵府志 參徐階鳳舊志

按起宗之名不見于王升志唐鶴徵徐階鳳兩志或據湯氏譜載入階鳳云時張士誠據浙西細作出入湖山間大小數十戰以功授中都畱守卒贈昭信校尉葬于宜興北門外七里莊其子景襲職因家宜興占官籍其裔孫銳于嘉靖初征河南曠賊陣亡人以為世傳忠勇童復洪武初鎮撫宜興能恤軍士

參節王升舊志

趙民聚定遠人洪武初宜興百戶有勇智後遷府軍左衛後所千戶

節王升舊志

國朝范起順順治閒宜興守備禁戢士卒訓練有方後遷

廣東韶州右營都司節徐階鳳舊志

張國威康熙閒宜興守備時宜興苦虎患國威攜壯丁入

山手殲六虎聞一虎甚猛傷人最多國威策馬去覓虎所

在虎從叢篠躍出未及防遂為所害參節徐階鳳舊志

王極康熙閒宜興守備才兼文武兵民悅服參徐階鳳舊志

補遺

方允武宋宜興巡檢建炎三年金人入縣之金泉鄉允武

率土軍鄉民迎敵殺獲數級奪弓劍與旗後遇金兵梅嶺

村力戰而歿詔贈兩官官其子二人參節宋史

